



## 10<sup>TH</sup> ASEAN MINISTERIAL MEETING ON TRANSNATIONAL CRIME



28<sup>TH</sup> SEPTEMBER - 1<sup>ST</sup> OCTOBER 2015  
KUALA LUMPUR

# AMANAT KETUA SETIAUSAHA BERKHIDMAT UNTUK NEGARA



*Assalamualaikum warahmatullahi wabarakatuh,*  
**A** Salam Sejahtera Salam 1Malaysia Salam 1KDN

Saya bersyukur ke hadrat ALLAH SWT kerana di atas limpah dan rahmatnya negara kita Malaysia kekal aman, selamat dan sejahtera serta masih di bawah perlindunganNYA.

Saya juga sentiasa berdoa diantara kita Warga Kementerian Dalam Negeri (KDN) supaya tidak terbabit dengan kegiatan-kegiatan yang boleh mencemarkan nama baik perkhidmatan awam, seperti menyertai demonstrasi jalanan yang diharamkan atau menyalahguna kemudahan teknologi terkini seperti aplikasi media sosial untuk tujuan peribadi dan tujuan-tujuan yang boleh menjelaskan keharmonian negara. Harapan saya agar semangat dan

disiplin yang tidak bertentangan dengan tatakelakuan dan tata tertib pegawai awam terus-menerus dimiliki seluruh Warga Kerja KDN.

Keupayaan menghubungkan setiap perkakasan elektronik melalui internet telah memudahkan lagi peranan para penjawat awam dalam menyampaikan perkhidmatan kepada kumpulan sasar. Perhabaran semasa lebih pantas diperolehi melalui aplikasi sembang sosial dan forum-forum di internet namun, sekiranya kita tidak berhati-hati, perhabaran atau berita-berita tidak sah boleh mempengaruhi diri dan ahli kumpulan sembang membentuk tanggapan tertentu terhadap sesuatu isu. Saya mengingatkan Warga Kerja KDN agar sentiasa menilai kesahihan apa juu maklumat yang diterima menerusi pelbagai medium media sosial dengan penuh waspada. Kealpaan kita dalam mengenalpasti sumbernya bakal menjayakan agenda pihak tertentu yang mana jika berleluasa berkemampuan mengganggu gugat kestabilan dan kesejahteraan sosial negara. Justeru berhati-hatilah dalam menikmati kemajuan teknologi merandangkan maklumat media sosial resminya bercampur aduk antara berita palsu, pembohongan, fitnah, fakta dan juga kebenaran.

Saya juga merakamkan ucapan terima kasih dan tahniah kepada seluruh Warga Kerja KDN, Jabatan-jabatan serta Agensi yang telah bersatu hati berkhidmat dengan penuh dedikasi menjayakan pelbagai program KDN sepanjang penggal kedua tahun 2015 seperti Sesi Lawatan Pemeriksaan Panel Indeks Penarafan Bintang Sektor Awam oleh MAMPU, Mesyuarat Menteri-Menteri ASEAN mengenai Jenayah Rentas Sempadan (AMMTC) di Kuala Lumpur, Mesyuarat Menteri-Menteri ASEAN Mengenai Dadah (AMMD) di Langkawi dan Pameran dan Persidangan Polis dan Perkakasan Khas Asia Keempat (GPEC) di Kuala Lumpur. Disiplin diri dan pemantapan pengurusan dalam persediaan merupakan antara terjemahan kejayaan kita semua secara bersama.

Akhir kata, selamat berkhidmat untuk negara dan masyarakat dengan penuh tanggungjawab serta teruskan kecemerlangan. Sekian.

Wassallam.

**Dato' Sri Alwi Bin Hj. Ibrahim**

# INTISARI KANDUNGAN

## AMANAT KETUA SETIAUSAHA

### SEMASA:

- Kesepakatan Menteri-Menteri Asean Menangani Isu Dadah
- *10th Asean Ministerial Meeting On Transnational Crime*

2



### APRESIASI PERKHIDMATAN:

6

- Penerima Darjah Kebesaran
- Ucapan Terima Kasih dan Selamat Datang



### SEMASA:

10 – 21

- GPEC
- Hari Pendaftaran Negara Pendaftaran Sivil ... Rakyat Di Hati
- KSU Turun Padang
- MoU Kekang Sempadan Dibolos
- Perkhidmatan Terpuji Dihargai
- Program U-Turn



### AKTIVITI UTAMA:

22 – 25

- Karnival *United Against Crime* (UAC)
- Indeks SSR JPN
- Kaunter 1serve Jabatan Pendaftaran Negara Malaysia

## SIDANG PENGARANG KDN

BIL 3/2015

**PENAUNG:**  
DATO` SRI ALWI BIN HJ. IBRAHIM

**PENASIHAT:**  
DATO` WAN ALI BIN BESAR

**KETUA KOMUNIKASI KORPORAT:**  
DATUK ZUKRI VALENTENO

**PENGARANG:**  
HASNIAH RASHID

**PENOLONG PENGARANG:**  
ISMALIA HASIMI  
SALFIZAN ENDI SALIM  
NUR AKMAR JA'AMAT  
NORZAFIRAH ABD HALIL  
WAN AMALIA MAIZAN MOHD AZANI

**FOTOGRAFI:**  
UNIT MEDIA BAHAGIAN KOMUNIKASI KORPORAT  
KEMENTERIAN DALAM NEGERI

- ASNI HAMZAH
- MOHAMAD FAEZ CHE MANSOR
- MOHAMAD HARIZ MOHD NOOR
- SHARIENA RAIHA SELAMAT
- ABDUL MUIZ BIN HJ. JAMALUDDIN

**EDARAN / PUBLISITI:**  
UNIT KORPORAT BAHAGIAN KOMUNIKASI KORPORAT  
KEMENTERIAN DALAM NEGERI

**GRAFIK / REKAETAK:**  
SASYAZ HOLDINGS SDN. BHD.

Pandangan sidang penulis adalah hasil kreativiti dan pemikiran peribadi serta tidak melambangkan pandangan rasmi Sidang Pengarang atau pun dasar KDN.

Urusetia mengalu-alukan maklumbalas dan cadangan bagi maksud penambahbaikan kualiti penerbitan ini serta sumbangan pelbagai bentuk penulisan seperti laporan dan berita untuk keluaran akan datang.

Sekiranya memerlukan maklumat lanjut, mohon hubungi urusetia di :  
Emel :

pro@moha.gov.my  
ismalia@moha.gov.my

# KESEPAKATAN MENTERI-MENTERI ASEAN MENANGANI ISU DADAH



**L**ANGKAWI, 29 Oktober 2015: Kementerian Dalam Negeri (KDN) pada 28-29 Oktober 2015 menganjurkan Mesyuarat Menteri-menteri ASEAN Mengenai Isu Dadah Ke-4 (AMMD Ke-4) dan dipengerusikan oleh YAB Dato' Seri Dr. Ahmad Zahid Hamidi, Timbalan Perdana Menteri (TPM) merangkap Menteri Dalam Negeri. Kemuncak AMMD Ke-4 di Langkawi adalah kesepakatan Menteri-menteri ASEAN yang bertanggungjawab dalam isu-isu berkaitan dadah untuk menanganinya dengan lebih tegas beserta hala tuju yang lebih jelas sebagai komitmen serantau. Kata sepakat tersebut dicapai sebagai menyusuri pandangan Mesyuarat Persediaan Peringkat Pegawai-pegawai Kanan (ASOD) yang berlangsung pada 28 Oktober 2015.

Mesyuarat ASOD mengenai isu dadah dipengerusikan oleh Ketua Setiausaha KDN, YBhg. Dato' Sri Alwi bin Hj Ibrahim yang antara lainnya membincangkan kemajuan dan pencapaian negara kesatuan ASEAN khususnya dalam aspek pemulihan dan pembasmian aktiviti bersifat rentas sempadan serta penggunaan seperti pembuatan, penyeludupan dan juga penyalahgunaan dadah. Matlamat akhir ASOD mahu pun AMMD Ke-4 adalah ke arah mewujudkan satu komuniti ASEAN yang sejahtera dan bebas dari ancaman dadah iaitu selari dengan aspirasi ASEAN bagi mewujudkan Rantau Asia Tenggara sebagai zon yang maju, makmur, harmoni, aman dan stabil.



Perbincangan peringkat menteri telah menghasilkan rangka halatuju strategik di samping merintis ruang kerjasama yang lebih luas bagi melaksanakan keputusan dasar secara holistik dan bersepada di negara masing-masing. Selain itu kerjasama erat yang sedia terjalin dalam menangani isu dadah di rantau ini juga berjaya diperkuuhkan. YAB TPM bagi pihak negara tuan rumah dan Pengerusi AMMD Ke-4 menzahirkan komitmen Malaysia untuk berperanan penting mencapai misi bebas dadah serta kesediaan menggerakkan negara-negara ASEAN dalam menangani cabaran dan isu-isu terkini yang berkaitan kerana dadah merupakan isu besar dan fenomena sejagat.

Kesimpulannya, AMMD Ke-4 berjaya mempereratkan lagi kerjasama dan memantapkan tahap komitmen sesama negara anggota ASEAN untuk mencapai misi bebas dadah. Kesepakatan dan halatuju strategik dalam mencapai misi sukar tetapi tidak mustahil adalah selari dengan aspirasi ASEAN menjadikan negara-negara ahli dan rantau Asia Tenggara ini mencapai kemajuan, dan kemakmuran ekonomi, keharmonian, keamanan dan kestabilan sosiopolitik. Sebagai langkah kehadapan, keputusan dasar ASEAN berhubung isu dadah yang dicapai dalam AMMD Ke-4 bakal dibawa ke Persidangan Khas Pertubuhan Bangsa-bangsa Bersatu Sesi 2016 bagi mempamerkan pendirian, halatuju dan ketegasan ASEAN menangani isu/masalah dadah sejagat.



Sebagai rekod, Mesyuarat AMMD yang pertama berlangsung pada 30 Ogos hingga 1 September 2012 di Bangkok, Thailand. Brunei Darussalam mempengerusikan mesyuarat AMMD Ke-2 pada 2 hingga 4 September 2013; dan AMMD Ke-3 berlangsung pada 1 hingga 4 Disember 2014 di Indonesia. Sidang Kemuncak ASEAN di Kuala Lumpur pada 27 April 2015 telah bersetuju dengan penubuhan AMMD secara rasmi justeru bermula tahun 2016, AMMD akan bersidang secara dwi-tahunan bagi tujuan mengupayakan gerak kerja secara sepada di peringkat serantau dan di setiap negara ASEAN. Penganjuran AMMD Ke-4 diurussetiakan oleh Bahagian Kepenjaraan, Antidadah dan RELA, KDN bersama Agensi Anti Dadah Kebangsaan manakala aktiviti persediaan penganjuran dipengerusikan oleh Timbalan Ketua Setiausaha (Dasar Keselamatan) YBhg. Dato' Sri Adenan Abdul Rahman.



# 10th ASEAN MINISTERIAL MEETING ON TRANSNATIONAL CRIME



**KUALA LUMPUR**, 28 September 2015: Kementerian Dalam Negeri (KDN) telah menganjurkan 10<sup>th</sup> Asean Ministerial Meeting On Transnational Crime (AMMTC ke-10) bermula dari 28 September hingga 1 Oktober 2015 bertempat di InterContinental Kuala Lumpur.

AMMTC telah dirasmikan dan seterusnya dipengerusikan oleh Timbalan Perdana Menteri merangkap Menteri Dalam Negeri, YAB Dato' Seri Dr. Ahmad Zahid Hamidi.

AMMTC ke-10 disertai oleh Menteri Dalam dan Luar Negeri Singapura Masagos Zulkifli Masagos Mohamad, Menteri Keselamatan Awam Vietnam Tran Dai Quang, Menteri Tenaga Brunei Pehin Dato' Dr. Muhammad Yasmin Umar, Menteri Keselamatan Awam Laos Brigadier Jeneral Polis Somkeo Sylavong, Timbalan Menteri Dalam Negeri Myanmar Kyaw Kyaw Tun, Timbalan Menteri Filipina Peter Irving C. Corvera, Timbalan Menteri Dalaman Thailand Sutee Markboon, Setiausaha Negara dan Kementerian Dalam Negeri Kemboja Em Sam An dan Ketua Polis Nasional Indonesia Jeneral Badrodin Haiti.





Agenda utama persidangan AMMTC ke-10 ini membincangkan isu mengenai jenayah rentas sempadan dan lain-lain isu yang berkaitan. Mesyuarat peringkat menteri berakhir dengan satu deklarasi untuk bersama berkerjasama membanteras jenayah rentas sempadan ini.

AMMTC kali ini adalah bertujuan untuk memantapkan lagi komitmen dan mewujudkan kesepakatan dalam memerangi jenayah rentas sempadan di rantau Asia Tenggara. Antara lainnya kejayaan AMMTC ke-10 ialah pemeterai perjanjian kerjasama dalam menangani jenayah rentas sempadan melalui kerjasama Malaysia dan kerajaan Republik Vietnam. AMMTC ke-10 kemudiannya disusuli dengan Mesyuarat Khas Menteri-Menteri ASEAN Mengenai Peningkatan Fahaman Radikal dan Keganasan Melampau (SAMMRRVE) pada 2 Oktober 2015, melibatkan perwakilan yang sama dan merupakan mesyuarat kali yang pertama diadakan atas hasil ide YAB Dato' Seri Dr. Ahamad Zahid Hamidi yang bertujuan untuk meningkatkan tahap siapsiaga negara-negara ASEAN dalam menangani peningkatan radikal dan keganasan yang melampau untuk kententeraman dan keharmonian negara.

# PENERIMA DARJAH KEBESARAN NEGERI PERAK

## SEKALUNG TAHNIAH KEPADA



**YAB DATO' SERI DR AHMAD ZAHID HAMIDI**  
TIMBALAN PERDANA MENTERI  
MERANGKAP MENTERI DALAM NEGERI  
DARJAH KEBESARAN SERI PADUKA NAZRIN SHAH (S.P.S.N)  
YANG MEMBAWA GELARAN DATUK SERI DIRAJA

27 NOVEMBER 2015



# PENERIMA DARJAH KEBESARAN NEGERI

## SEKALUNG TAHNIAH KEPADA PENERIMA

### MELAKA

**YBHG. DATO' SRI ALWI BIN HJ. IBRAHIM**  
KETUA SETIAUSAHA  
KEMENTERIAN DALAM NEGERI  
DARJAH CEMERLANG SERI MELAKA (D.C.S.M)  
YANG MEMBAWA GELARAN DATUK WIRA

14 NOVEMBER 2015



### PAHANG

**YBHG. DATO' SRI MUSTAFA BIN HJ. IBRAHIM**  
KETUA PENGARAH  
JABATAN IMIGRESEN MALAYSIA  
DARJAH KEBESARAN SULTAN AHMAD SHAH PAHANG YANG AMAT MULIA -  
PERINGKAT PERTAMA SRI SULTAN AHMAD SHAH PAHANG (S.S.A.P)  
YANG MEMBAWA GELARAN DATO' SRI

24 OKTOBER 2015



### SABAH

**YBHG. DATUK KAMARIAH MOHD NOAH**  
KETUA PENGARAH  
JABATAN SUKARELAWAN MALAYSIA (RELA)  
DARJAH KEBESARAN NEGERI SABAH -  
PANGLIMA GEMILANG DARJAH KINABALU (P.G.D.K)  
YANG MEMBAWA GELARAN DATUK

18 NOVEMBER 2015



# PENGHARGAAN & UCAPAN TERIMA KASIH

SETTINGGI-TINGGI PENGHARGAAN DAN UCAPAN TERIMA KASIH DI ATAS PERKHIDMATAN DAN SUMBANGAN SEMPENA PERSARAAN



**YBHG. DATO' WAHAB BIN MOHD YASIN**  
TIMBALAN KETUA SETIAUSAHA  
KAWALAN DAN PENGUATKUASAAN  
PADA 8 NOVEMBER 2015

## SELAMAT DATANG

KEMENTERIAN DALAM NEGERI MENGALU-ALUKAN KEMASUKAN PEGAWAI BARU


**YBHG. DATO' SURIANI BINTI DATO' AHMAD**  
TIMBALAN KETUA SETIAUSAHA DASAR  
KEMENTERIAN PERTAHANAN MALAYSIA  
KE / SEBAGAI  
TIMBALAN KETUA SETIAUSAHA KAWALAN DAN  
PENGUATKUASAAN  
1 DISEMBER 2015



# *Al-Fatihah*

*Sempena Ulangtahun Kelahiran ke-100 pada 2015*

*Mantan Menteri Dalam Negeri*



*Tun Dr. Ismail bin Dato' Haji Abdul Rahman*

*4 November 1915 – 2 Ogos 1973*

*Moga segala dosa diampunkan dan bersemadi bersama orang-orang yang beramal soleh*

1960	Menteri Keselamatan Dalam Negeri
1963	Menteri Hal Ehwal Dalam Negeri
1973	Timbalan Perdana Menteri; Menteri Hal Ehwal Dalam Negeri; dan Menteri Perdagangan dan Perusahaan

*"Allahyarham Tun Dr. Ismail terkenal dengan ketegasan, kata-katanya digeruni dan setiap kenyataannya disusuli dengan tindakan...ini amat digeruni penjenayah mahupun pengganas yang cuba membawa onar di dalam negara..."*

**YAB Dato' Seri Dr. Ahmad Zahid Hamidi**

Timbalan Perdana Menteri merangkap Menteri Dalam Negeri  
pada 17 November 2015 sempena sambutan Hari Inovasi KDN 2015

# 4th GENERAL POLICE AND SPECIAL EQUIPMENT EXHIBITIONS & CONFERENCE ASIA 2015

**KUALA LUMPUR**, 21 Oktober 2015: Kementerian Dalam Negeri (KDN) sekali lagi telah berjaya menganjurkan Pameran dan Persidangan Ke-4 Peralatan Polis 2015 (4<sup>TH</sup> GPEC ASIA 2015) pada 21 hingga 23 Oktober 2015 bertempat di Pusat Dagangan Dunia Putra (PWTC).

Penganjuran adalah secara bersama dengan F&R Exhibition and Conference Sdn Bhd dan telah dirasmikan oleh YAB Timbalan Perdana Menteri merangkap Menteri Dalam Negeri Dato' Seri Dr. Ahmad Zahid Hamidi.

Tahun 2015, Malaysia sekali lagi menjadi tuan rumah untuk GPEC Asia kali ke-4 ini dan ia merupakan sebuah pameran dan persidangan industri keselamatan dalam negeri peringkat antarabangsa yang dianjurkan setiap tahun secara bergilir antara Malaysia dan Jerman. KDN turut menjemput delegasi-delegasi dari luar negara terutamanya dari negara-negara ASEAN yang terdiri daripada Menteri-Menteri yang bertanggungjawab dengan keselamatan dalam negeri, Ketua-Ketua Setiausaha, Ketua-Ketua Polis Negara dan Ketua-Ketua Pengarah agensi untuk menghadiri pameran ini. Manakala itu, agensi-agensi keselamatan seperti Polis DiRaja Malaysia (PDRM), Jabatan Imigresen Malaysia, Jabatan Sukarelawan Malaysia (RELA), Jabatan Penjara Malaysia, Jabatan Kastam Malaysia, Jabatan Pertahanan Awam Malaysia dan juga daripada sektor swasta telah menyediakan booth pameran eksklusif mengenai keselamatan ini.



Tujuan pameran ini adalah untuk membawa pemamer dan agensi-agensi keselamatan untuk meneroka potensi baru dalam melengkapi aset dan perkhidmatan mereka bagi menghadapi cabaran pada masa ini. Pameran ini juga turut dapat meningkatkan peranan mereka dalam mencegah, melindung dan bertindakbalas kepada tanggungjawab menangani isu-isu keselamatan dan cabaran masa kini.



Bersempena dengan penganjuran pameran ini, turut berlangsung adalah *Putrajaya International Security Dialogue* (PISD) 2015 iaitu forum peringkat antarabangsa yang merupakan program rasmi yang dijalankan setiap dua tahun. PISD merupakan satu platform yang berkesan untuk memberi peluang kepada semua pihak yang terlibat untuk mencari jalan terbaik dalam menangani isu keselamatan, ancaman dan terrorisme.


Secara keseluruhannya, GPEC Asia 2015 telah menarik lebih ramai pemamer dari dalam dan luar negara berbanding GPEC Asia 2013. KDN turut menandatangani Memorandum Persefahaman (MoU) melibatkan perolehan aset bernilai lebih daripada RM500 juta. Program yang berlangsung selama tiga hari ini didapati telah memberi manfaat kepada semua pihak yang terlibat khususnya dalam pemantauan perkembangan teknologi masa kini. 4<sup>TH</sup> GPEC Asia 2015 turut memperkuuhkan hubungan kerjasama antara negara-negara ASEAN yang terlibat dalam usaha membentras keganasan serta mengekalkan tahap keselamatan negara masing-masing.



# PENDAFTARAN SIVIL ... RAKYAT DI HATI

**P**UTRAJAYA, 1 Oktober 2015: Demi memastikan setiap warganegara dapat memiliki dokumen pengenalan diri, kerajaan melalui Kementerian Dalam Negeri pada setiap tahun memperuntukkan lebih RM300 juta untuk membiayai urusan pendaftaran dan pengeluaran dokumen pengenalan diri kepada rakyat. Kerajaan juga menerusi Jabatan Pendaftaran Negara (JPN) turut menawarkan perkhidmatan pendaftaran peristiwa penting seseorang individu pada setiap hari iaitu 365 hari setahun dari pagi hingga malam baik menerusi perkhidmatan kaunter atau pun melalui program turun padang (outreach) dan dipermudahkan secara atas talian.

Peruntukan tersebut menurut YAB TPM Dato' Seri Dr. Ahmad Zahid Hamidi semasa merasmikan sambutan Hari Pendaftaran Negara adalah kerana Kerajaan Malaysia mengakui peri pentingnya dokumen pengenalan diri yang asasnya adalah bagi tujuan mengesahkan identiti seseorang. Tawaran perkhidmatan pendaftaran secara berterusan di 228 pejabat cawangan JPN di seluruh negara, 10 UTC dan 7 RTC adalah bagi memastikan setiap individu yang layak diberi hak untuk didaftarkan dan seterusnya diberi dokumen pengenalan yang relevan agar urusan harian mereka samada rasmi atau pun persendirian dapat dijalankan dengan mudah dan selamat.



*'... Pada setiap hari, lebih kurang 19,000 permohonan berkaitan dengan perkahwinan, kelahiran, kematian, pengangkatan, kad pengenalan diterima di semua cawangan dan menerusi program outreach... didapati permohonan boleh meningkat ke 23,000 setiap hari semasa musim perayaan atau cuti sekolah... JPN pada tahun 2014 memproses sejumlah 5.69 juta permohonan dan jumlah tersebut menunjukkan trend peningkatan hampir 11.2% berbanding tahun 2013...'*



Mengenai suara-suara sumbang berhubung kenaan bayaran dan kadarnya, YAB TPM menegaskan keikhlasan kerajaan dalam mengurangkan kos pembiayaan rakyat bagi urusan pendaftaran dan pengeluaran dokumen pengenalan diri. Ianya dizahirkan melalui pelbagai inisiatif pemantapan perkhidmatan di mana rakyat hanya perlu sekali sahaja berurus di cawangan JPN. YAB TPM turut mendedahkan bahawa nilai RM pada setiap dokumen diri yang dimiliki warganegara Malaysia sebenarnya adalah lebih tinggi dari bayaran yang dikenakan JPN telah pun disubsidi oleh kerajaan:

***... Kos bahan mentah untuk MyKid adalah RM9.05 sekeping, namun dikeluarkan secara percuma ... manakala kos bahan mentah untuk MyKad adalah RM22.80 sekeping dan bayaran yang dikenakan adalah sekadar RM10.00 ... oleh itu kita harus menghargai dan menjaga dokumen pengenalan diri dengan sebaiknya ...'***

*YAB Dato' Seri Dr. Ahmad Zahid Hamidi  
Timbalan Perdana Menteri  
merangkap Menteri Dalam Negeri*

Kesimpulannya, pendaftaran sivil merupakan satu peranan yang penting dalam proses pemeliharaan keselamatan dan kesejahteraan negara melalui data kependudukan yang komprehensif dan sahih. Pelaburan melalui peruntukan tahunan yang besar dan tawaran perkhidmatan yang berinovatif merupakan antara bukti kerajaan mengutamakan kebajikan rakyat. Tanggungjawab dalam menentukan setiap rakyat memperolehi dokumen pengenalan diri dan seterusnya membolehkan setiap warganegara mendapat akses kepada kemudahan asas seperti perkhidmatan pelajaran dan kesihatan ternyata tidak diabaikan.



Dato'Seri Dr. Ahmad Zahid Hamidi, Bagan Datoh Perak dan Ahmad Zahid Hamidi dari Kuching Sarawak



Hari Pendaftaran Negara Tahun 2015 merupakan sambutan kali ketiga selepas 1 Oktober diisytiharkan sebagai Hari Pendaftaran Negara oleh YAB Dato' Seri Dr. Ahmad Zahid Hamidi pada tahun 2013 iaitu tahun pertama dilantik sebagai Menteri Dalam Negeri. Sambutan yang diselepas dengan Hari Inovasi JPN Tahun 2015 berlangsung di Ibu Pejabat JPN di Putrajaya turut dihadiri Timbalan Menteri Dalam Negeri II YB Tuan Masir Kujat. Kemuncak acara perasmian ialah penyampaian Dokumen Pengenalan Diri di mana paling mencuri tumpuan ialah penampilan seorang warganegara bernama Ahmad Zahid bin Hamidi dari Kuching, Sarawak untuk menerima MyKad dari YAB Dato' Seri Dr. Ahmad Zahid Hamidi sendiri.

# KSU TURUN PADANG

**BUKIT KAYU HITAM**, Kedah 17 Sept 2015: Kemajuan kerja fizikal cadangan pembangunan Kompleks Imigresen, Kastam, Kuaranit dan Keselamatan (ICQS) Secara Bersepadu sehingga 15 Sept 2015 adalah pada kadar 26.79% dan statusnya diterjemahkan sebagai terlewat 96 hari dari jadual asal. Sehubungan itu Ketua Setiausaha (KSU) Kementerian Dalam Negeri (KDN) YBhg. Dato' Sri Alwi Bin Hj Ibrahim semasa Program Turun Padang (PTP) di Pejabat Tapak Projek ICQS Bukit Kayu Hitam, Kedah mengingatkan pihak kontraktor projek supaya segera mengambil tindakan pemulihan bagi mengatasi permasalahan yang berbangkit .

Ingatan tersebut adalah bagi membolehkan pelaksanaan projek berjalan lancar selari dengan saranan Ketua Setiausaha Negara (KSN) YBhg. Tan Sri Dr. Ali Hamsa supaya semua projek kerajaan diuruskan dengan cekap agar dapat disiapkan mengikut jadual yang ditetapkan. Saranan KSN amat relevan memandangkan pembangunan ICQS merupakan projek berimpak tinggi dengan amaun kontrak sebanyak RM385 juta bagi tujuan mengatasi pelbagai kekangan sedia ada, baik dalam aspek penyampaian perkhidmatan Jabatan/Agensi, penjanaan ekonomi kepada negara, dan juga aktiviti ekonomi dan perniagaan di kalangan kumpulan sasar.





Selari dengan imej kompleks CIQ sedia ada di Bukit Kayu Hitam, Kedah yang berfungsi sebagai pintu masuk utama ke Malaysia maka konsep pembangunan ICQS secara bersepadu ini direkabentuk sebagai kompleks yang moden, selamat dan efisien. Ianya diunjurkan sebagai bakal menyelesaikan pelbagai masalah khususnya kesesakan trafik (keluar dari Malaysia atau masuk dari Thailand) melalui penyediaan kemudahan dan keperluan jangka panjang. Antaranya ialah pembinaan sebanyak 29 Petak Pemeriksaan Kastam/Agensi bagi melancarkan urusan kemasukkan kenderaan berat dari Thailand ke Malaysia berbanding 20 petak di CIQ sedia ada.

Bagi maksud untuk tidak mengganggu operasi CIQ sedia ada, pembangunan Kompleks ICQS Bersepadu dilaksanakan secara dua fasa. Semasa dalam tempoh pembinaan Fasa 1, Kompleks CIQ sedia ada terus beroperasi seperti biasa dan apabila siap Fasa 1 kelak, maka operasi CIQ akan dipindahkan ke bangunan sementara yang terdapat dalam Fasa 1 yang disasarkan siap bulan Februari 2016. Pembangunan Kompleks ICQS Secara Bersepadu di atas keluasan tapak seluas 73.815 ekar bakal menempatkan sebanyak 19 agensi secara bersepadu. KDN kata YBhg. Dato Sri KSU amat komited untuk memastikan projek dapat disiapkan sepenuhnya dalam tempoh selama 36 bulan seperti mana perancangan asal memandangkan projek ini juga bakal memantapkan lagi aspek kawalan sempadan negara.

Hasrat KSU, YBhg. Dato' Sri Alwi Bin Hj Ibrahim untuk meninjau kemajuan kerja fizikal secara dekat di tapak projek pembangunan ICQS Secara Bersepadu Bukit Kayu Hitam, Kedah walau bagaimanapun tergendala dek hujan yang tetiba turun dengan lebatnya. Siri PTP ini turut



disertai Timbalan Ketua Setiausaha (Dasar Keselamatan) YBhg. Dato' Sri Adenan Abdul Rahman manakala taklimat kemajuan pembangunan projek disampaikan oleh YBhg. Dato' Abdul Razeeq Husin, Ketua Pegawai Operasi DRB - HICOM. Kesimpulannya PTP KSU berperanan penting dalam melancarkan pelaksanaan projek kerana pemantauan secara mikro telah mendekatkan KDN dengan isu dan masalah yang dihadapi di tapak bagi maksud penyelesaian.



SEMASA

## MoU KEKANG SEMPADAN DIBOLOS

**SINTOK, KEDAH** 17 Sept 2015: Kementerian Dalam Negeri (KDN) dan Universiti Utara Malaysia (UUM) menandatangani Memorandum Persefahaman (MoU) untuk saling berkerjasama dalam bidang penyelidikan saintifik dan empirikal berhubung kerja-kerja pengumpulan data kajian serta input di kalangan pakar dan juga para pengamal keselamatan dan pengurusan sempadan. MoU turut meliputi kerjasama dalam penulisan isu-isu keselamatan dan ketenteraman awam di Malaysia amnya dan Rantau Asia khususnya untuk dimuatkan sebagai kandungan *Jurnal of Public Security And Safety* terbitan *Institute of Public Security of Malaysia (IPSM)*, KDN.

YAB Timbalan Perdana Menteri (TPM) merangkap Menteri Dalam Negeri, Dato' Seri Dr. Ahmad Zahid Hamidi menyaksikan acara menandatangani MoU yang dimeterai oleh Ketua Setiausaha KDN YBhg. Dato' Sri Alwi Haji Ibrahim bersama Naib Cancellor UUM, Profesor Dato' Seri Dr Mohamed Mustafa Ishak. Susulan pada kerjasama tersebut, Seminar Keselamatan dan Pengurusan Sempadan (SKPS) buat kali pertamanya diadakan di UUM pada 17 - 19 Sept 2015 khususnya bagi membincangkan isu keselamatan awam dan pengurusan sempadan Malaysia - Thailand. SKPS melibatkan penyertaan Jabatan/Agensi dan Pemimpin Tempatan yang relevan serta pegawai dan pelajar UUM yang kesemuanya berjumlah 2,000 orang.

YAB TPM dalam ucaptama sempena Lawatan Kerja ke UUM menzahirkan harapan agar SKPS yang dilangsungkan secara Perbincangan Meja Bulat (RTD) bakal menjana pendapat baru lagi bernalas ke arah penambahbaikan sistem dan pengurusan sempadan di sepanjang sempadan darat dan maritim Malaysia dengan negara-negara jiran dalam usaha memastikan keselemanan negara terpelihara. Sehubungan itu YAB TPM turut menggesa tindakan proaktif diambil bagi tujuan membendung semua kegiatan penyeludupan yang sering berlaku di sempadan supaya pada masa akan datang tidak lagi wujud kesan negatif terhadap sosio-ekonomi negara atau pun ancaman terhadap keselamatan, ketenteraman dan juga keamanan negara.



*'... Kerajaan komited dalam usaha memperkuuhkan keselamatan dan pengurusan sempadan termasuklah menangani aktiviti penyeludupan dan pemerdagangan manusia ... pendekatan Strategi Lautan Biru Kebangsaan (NBOS) sewajarnya diperkasakan supaya kita tidak hanya berada dalam kepompong sendiri dalam usaha memerangi jenayah di sempadan ... dan apabila kita berjaya mengekang aktiviti haram maka kerugian besar daripada ketirisan pendapatan yang mengalir keluar dapat dikurangkan ...'*

Dato' Seri Dr. Ahmad Zahid Hamidi  
Timbalan Perdana Menteri  
merangkap Menteri Dalam Negeri  
17 Sept 2015

Kesimpulannya jalinan kerjasama menang - menang antara KDN dan UUM dilihat akan membolehkan peranan yang lebih agresif diambil oleh semua pihak yang terlibat meliputi aspek pengurusan dan penguatkuasaan serta kawalan sempadan negara. Dengan bersandarkan gabungan input oleh para pakar serta disokong dengan fakta yang konkret hasil penemuan kajian yang dilaksanakan secara saintifik membolehkan satu strategi yang ampuh beserta pendekatan yang holistik disediakan. Kesan sampingan pastinya adalah pada keupayaan untuk mengubah ranking negara ke tangga yang lebih baik dalam senarai kedudukan global pemerdagangan manusia dan terrorisme oleh agensi antarabangsa.



# PERKHIDMATAN TERPUJI DIHARGAI



*'... saya ingin mengucapkan setinggi-tinggi penghargaan kepada seluruh wargakerja KDN atas kegigihan serta komitmen dalam melaksanakan segala tugas yang dipertanggungjawabkan ... harapan saya agar semua dapat meneruskan kecemerlangan dan menjadikan KDN sebagai sebuah Kementerian yang berwibawa serta berdaya saing ...'*

*YBhg. Dato' Sri Alwi bin Hj. Ibrahim  
Ketua Setiausaha  
10 Sept 2015*

**PUTRAJAYA**, 10 Sept 2015: Pengurusan Tertinggi Kementerian Dalam Negeri (KDN) hari ini menghargai perkhidmatan dan sumbangan terpuji para penerima Anugerah Sijil Kepujian (ASK) KDN 2014 dan meraikan mereka dalam Majlis Penyampaian ASK 2014. Penghargaan dan pengiktirafan perkhidmatan terpuji berdasarkan Laporan Penilaian Prestasi Tahunan tahun 2014 dizahirkan melalui acara penyampaian sijil dan jamuan petang yang disempurnakan oleh Ketua Setiausaha YBhg. Dato' Sri Alwi Hj Ibrahim. Seramai 268 orang wargakerja KDN Ibu Pejabat dan Pejabat Cawangan di seluruh negara dinilaikan sebagai telah mencapai prestasi kerja yang amat memberangsangkan justeru melayakkan ASK KDN 2014.

Majlis Penyampaian ASK 2014 walaupun dilangsungkan secara ringkas di Dewan Gemilang KDN, namun amat signifikan pada catitan objektif pelaksanaan aktiviti. Ini adalah kerana acara penyampaian turut bertujuan untuk mendorong para penerima dan juga hadirin bukan sekadar untuk mengekal malahan ke arah melonjakkan lagi tahap prestasi masing-masing. Selain itu kehadiran YBhg. Dato' Sri KSU beserta barisan top-six KDN dalam jadual kerja yang padat merupakan simbolik pengiktirafan atas komitmen para penerima ASK memastikan semua tanggungjawab yang diamanahkan dilaksanakan dengan baik sekali di samping keupayaan menepati tempoh masa yang ditetapkan.





Seiring dengan misi transformasi nasional, YBhg. Dato' Sri Alwi mencabar hadirin agar menjadi lebih kritis dan konstruktif tatkala menunaikan tanggungjawab masing-masing. Seiringan itu wargakerja perlu senantiasa berada dalam keadaan siap-siaga demi menyokong usaha memastikan objektif dasar-dasar keselamatan negara tercapai; dan pada masa yang sama berteraskan kapasiti masing-masing menyumbang kepada pemeliharaan keselamatan dalam negeri dan ketenteraman awam. Sebagai pegawai awam, wargakerja KDN diingatkan akan keperluan bersifat pro-aktif serta responsif dalam melaksanakan dasar/program kerajaan yang telah digariskan bagi memastikan negara yang kita cintai ini tidak ketinggalan dalam arus pemodenan dan kepesatan teknologi terkini.



Kesimpulannya ASK 2014 merupakan penghargaan oleh pihak pengurusan atas usaha keras wargakerja KDN membawa perubahan dan mencipta pelbagai pencapaian dalam proses menyampaikan perkhidmatan terbaik KDN/Jabatan/Agensi kepada

kumpulan sasar. Keputusan pihak pengurusan untuk menganugerahkan semua individu yang berprestasi cemerlang dan terpuji tanpa kuota semestinya adalah dorongan kepada yang lain-lain. Perkhidmatan Awam Malaysia sebagai tulang belakang kepada pentadbiran negara terbukti berkeupayaan memenuhi ekspektasi stakeholder dan kehendak rakyat; justeru tidak syak lagi Majlis Penyampaian ASK merupakan sumbangan KDN kepada kesejahteraan rakyat melalui penyampaian perkhidmatan yang berprestasi tinggi dan memuaskan hati.





SEMASA

# PROGRAM U-TURN

**Kuala Lumpur**, 4 Oktober 2015: YAB. Dato' Seri Dr. Ahmad Zahid Bin Hamidi, Timbalan Perdana Menteri merangkap Menteri Dalam Negeri hari ini melancarkan Program U-TURN bertempat di Pusat Penyiaran Digital TV AlHijrah, Kuala Lumpur. Program ini adalah hasil ide YAB TPM supaya inisiatif memulih banduan dalam penjara dan sistem parol di luar tembok penjara dihebahkan kepada masyarakat awam secara meluas dan lebih berkesan. Matlamat akhir program adalah ke arah merubah sikap banduan yang pernah melakukan kesalahan untuk kembali menjadi warganegara yang bertanggungjawab di samping mengubah persepsi masyarakat terhadap banduan selepas keluar penjara.

Pelaksanaan Program U-Turn adalah menerusi penerbitan dan siaran rancangan khas televisyen (tv); dan direalisasikan secara pakatan strategik antara KDN menerusi Bahagian Urusetia Lambaga Parol (ULP) dengan stesen TV AlHijrah serta dengan kerjasama Jabatan Penjara Malaysia (PRIDE) dan Percetakan Nasional Malaysia Berhad (PNMB). Amnya kandungan rancangan khas tv U-Turn adalah terarah pada Program Pembangunan Insan yang dilaksanakan PRIDE di mana para banduan pra-parol dibekalkan dengan ilmu keagamaan ke arah pemulihan jati diri, pemantapan rohani serta peluang menimba kemahiran yang bersesuaian sebagai persediaan memulakan kehidupan baru apabila dibebaskan kelak.

Amnya tema rancangan khas tv ini adalah pada pemulihan dan pembangunan diri banduan selari dengan peranan PRIDE dalam memastikan keamanan dan kemakmuran negara terpelihara. Kaedah penerbitan rancangan khas tv U-Turn adalah secara rakaman sesi tazkirah bimbingan khas untuk penghuni penjara



yang diadakan di dalam penjara di seluruh negara; dan kemudiannya disiarkan untuk tontonan awam menerusi saluran TV AlHijrah. Tazkirah bimbingan khas U-Turn ini dikendalikan oleh dua orang tokoh akademik islamik iaitu Ustaz Don Daniyal bin Don Biyajid dan Ustaz Abdullah Bukhari bin Abdul Rahim al-Hafiz; dan turut memberi ruang kepada banduan mendapatkan ilmu tambahan melalui sesi soal jawab.


Kesimpulannya, melalui pakatan strategik KDN-TV AlHijrah sebanyak 13 episod rancangan tv diterbitkan dan mula disiarkan untuk tontonan umum. Outcome program ialah pemantapan jati diri penghuni penjara yang pernah melakukan kesilapan melalui sistem penahanan dan pemuliharan rohani yang berkesan. Peluang mendekati ilmu agama pastinya membangkitkan komitmen mereka untuk menjadi insan yang lebih berdisiplin dan bertanggungjawab terhadap diri sendiri, keluarga dan negara. Pada masa yang sama Program U-Turn



menyebarluaskan maklumat sistem parol di samping menyentuh hati penonton untuk bersama-sama melaksanakan tanggungjawab sosial membantu bekas banduan kembali ke pangkal jalan atau membuat u-turn dalam kitaran kehidupan dan persekitaran yang mencabar ini.

Sistem parol diwujudkan pada tahun 2008. Ianya merupakan satu kaedah agar sebahagian daripada hukuman yang dikenakan terhadap seseorang banduan di jalankan di luar penjara tertakluk kepada syarat-syarat tertentu dengan kelulusan Lembaga Parol. Pelaksanaan turut melibatkan jalinan hubungan dengan masyarakat, pertubuhan bukan kerajaan, pihak swasta dan lain-lain sebagai satu tanggungjawab sosial dan amanah bersama. Selain mempercepatkan proses penyesuaian banduan dengan keluarga dan masyarakat ternyata kesan baik sistem parol ialah pada jalinan hubungan pihak penjara dengan masyarakat dan berlakunya perubahan pada persepsi awam, mengurangkan kesesakan di penjara, meringankan beban kerajaan dari segi kewangan serta mengurangkan kadar perlakuan jenayah negara.

# KARNIVAL UNITED AGAINST CRIME (UAC)



**JOHOR BHARU**, 23 Ogos 2015: Karnival UAC 2015 ini telah dirasmikan oleh YB Timbalan Menteri Dalam Negeri I, YB Datuk Nur Jazlan bin Mohamed dan berlangsung dari 21-23 Ogos 2015 bertempat di Plaza Angsana, Johor Bharu.

Program UAC 2015 merupakan kesinambungan kepada karnival yang diadakan pada tahun 2013 dan 2014 sebagai pelaksanaannya dirancang mengikut Zon iaitu, Zon Selatan, Zon Utara, Zon Tengah, Zon Timur, Zon Sabah dan Zon Sarawak.

Objektif karnival adalah:

- Menjalin hubungan secara proaktif dan bersepadau antara Kerajaan bersama rakyat dalam usaha pencegahan jenayah; dan
- Memberikan kesedaran kepada rakyat tentang tanggungjawab terhadap keselamatan diri sendiri, keluarga dan masyarakat.





Pelaksanaan program ini adalah selaras dengan hasrat YAB Perdana Menteri Malaysia untuk engagement Kerajaan bersama rakyat dalam usaha pencegahan jenayah dan memberikan kesedaran kepada rakyat tentang tanggungjawab terhadap keselamatan diri, keluarga dan masyarakat.

Pemerolehan maklumat dan pandangan menggunakan kaedah pameran adalah yang paling berkesan kerana melibatkan semua pihak dengan kaedah engagement dengan stakeholder Kementerian dan agensi berkaitan. Bahan pameran (info, gambar dan grafik) adalah merangkumi kejayaan - kejayaan Jabatan/Agensi berhubung pelaksanaan inisiatif NKRA Mengurangkan Jenayah dan memberikan perkhidmatan seperti semakan saman, pemeriksaan kesihatan dan perkhidmatan penukaran kad pengenalan.

Kementerian Dalam Negeri telah dipertanggungjawabkan sebagai peneraju NKRA Mengurangkan Jenayah dalam Program Tranformasi Kerajaan.

Sebanyak 20 booth pameran yang memperkenalkan inisiatif dan pencapaian pelbagai pihak yang terlibat dalam penguatkuasaan jenayah. Antaranya ialah KDN sendiri melalui Bahagian NKRA, KF dan PP serta Jabatan/Agensi bawah kementerian iaitu seperti PDRM, JPN, JPPM, JIM, RELA dan AADK. Penglibatan KKM, PEMANDU, JPM, IRDA, PTPTN dan Komoditi Kepolisian telah memeriahkan lagi karnival.

Keseluruhannya UAC 2015 di Johor telah berjaya meninggalkan impak yang relevan kepada masyarakat tempatan di mana kesedaran mereka usaha pencegahan jenayah secara tidak langsung mengubah persepsi rakyat terhadap usaha Kerajaan dalam membanteras jenayah. Adalah menjadi harapan KDN agar kadar jenayah negara berkurangan hasil jalinan hubungan erat antara kerajaan dan rakyat menerusi program tahunan Karnival UAC.



# BENGKEL STRATEGIK PERLAKSANAAN KAJIAN NBOS KDN

**P**UTRAJAYA, 6 Oktober 2015: Lawatan penilaian Indeks SSR tahun 2015 ke atas JPN telah berlangsung selesai dilaksanakan pada 5 dan 6 Oktober 2015. Pasukan penilai diketuai oleh Encik Mohd Shahrim bin Hussin dari MAMPU berserta enam (6) orang.

Penilaian dimulakan dengan lawatan ke sekitar JPN seperti kaunter urusniaga, Unit Personalization Centre, Pusat Rekod dan Command Centre. Seterusnya, Mesyuarat Pembukaan dimulakan dengan kata aluan dari YBhg. Dato' Ketua Pengarah Pendaftaran Negara (KPPN). JPN mengetengahkan program yang telah memberi impak besar dan langsung kepada rakyat dan pihak ketiga dalam membantu memudahkan/ mempercepatkan urusan dengan JPN seperti percetakan teragih MyKad, myIDENTITY, sistem Hedjaz, outreach, integrasi data kelahiran dengan KKM, myPhone-In, sistem gantian MyKad atas talian dan Dokumen Daftar Kematian/Permit Mengubur.

Ahli Pasukan Indeks SSR JPN dan seluruh warga JPN telah memberi komitmen penuh terhadap penilaian berkenaan dan membantu sehabis baik bagi memastikan JPN dapat mengekalkan penarafan 5 Bintang iaitu selepas kejayaan tahun 2011 dan 2013.

YBrs. Dr. Aizi Razman bin Ismail, Timbalan Ketua Pengarah (Transformasi dan Pemodenan Pengurusan) MAMPU turut hadir semasa Mesyuarat Penutup Penilaian Indeks SSR pada 6 Oktober 2015. JPN telah menerima 8 teguran awal bagi tujuan penambahbaikan hasil penilaian yang dilaksanakan.

Segala cadangan penambahbaikan yang disarankan oleh pihak MAMPU akan dijadikan sebagai ruang dan peluang untuk meningkatkan lagi prestasi pengurusan dan tahap penyampaian perkhidmatan JPN demi kesejahteraan rakyat dan kepentingan Negara.

Penilaian Indeks Penarafan Bintang (Indeks SSR) Tahun 2015 adalah berdasarkan kriteria baru Indeks SSR yang memfokuskan kepada transformasi dan inovasi Agensi. Namun dalam masa yang sama, penilaian ini tidak



mengabaikan aspek pematuhan dan kualiti dalam tadbir urus sesebuah Agensi. Selain itu, MAMPU juga telah memperkenalkan sistem mySTAR yang memerlukan Agensi mengisi jawapan dan memuatnaik dokumen pembuktian secara atas talian bagi tujuan penilaian kendiri dan makluman awal pihak MAMPU. Penilaian Indeks SSR yang baharu ini juga bakal dilaksanakan setiap tahun berbeza dengan sebelum ini iaitu setiap 2 tahun.

# KAUNTER 1SERVE

## JABATAN PENDAFTARAN NEGARA MALAYSIA

**P**UTRAJAYA, 25 Mei 2015: JPN telah melancarkan Kaunter 1Serve dengan menawarkan perkhidmatan cabutan/salinan bagi 5 jenis cabutan melibatkan empat (4) urusniaga utama JPN iaitu Cabutan Daftar Kelahiran, Cabutan Daftar Kematian, Borang W (Kewarganegaraan), Cabutan KP12 (Kad Pengenalan), dan Cabutan Daftar Perkahwinan. Lokasi Kaunter 1Serve JPN adalah di aras 1 Ibu Pejabat JPN Putrajaya.

Mesyuarat Pre-NBOS Summit yang dipengerusikan oleh YBhg. Tan Sri Dr. Ali Hamsa, Ketua Setiausaha Negara pada 15 Januari 2015 yang lalu telah bersetuju supaya pelaksanaan inisiatif 1Serve bagi 12 agensi termasuk JPN dipilih sebagai agensi perintis sebelum diperluaskan kepada Agensi Kerajaan yang lain. Inisiatif ini bertujuan untuk meningkatkan tahap kepuasan pelanggan dan sistem penyampaian petugas barisan hadapan di sektor awam menerusi jaringan kolaboratif strategik dengan agensi swasta khususnya dalam bidang latihan dan perkongsian amalan-amalan terbaik. Keseluruhananya, fokus utama pelaksanaan 1Serve ini adalah untuk mewujudkan 1kaunter pelbagai perkhidmatan (Kaunter Fleksi) bagi memudahkan pelanggan berurusan tanpa perlu pergi ke lokasi berbeza.



# BUDI LUHUR DISANJUNGI KHIDMAT BAKTI DIHARGAI

DATO' WAHAB BIN  
MOHD YASIN



Lazimnya siapa yang jadi ketua kita patuh  
Adatnya anak buah ketua pun kita hormati  
Terima kasih YAB Dato' Seri sudi ada di sini  
Meraikan hari akhir saya di majlis Hi-Tea  
Lebih 36 tahun sudah saya memberi bakti  
Bangganya amat khidmat terakhir di sini


Itu kata dari hati Dato' Wahab si empunya nama  
Terpancar di wajah seindah ciri Asma'ul Husna  
Nukilan sakti Pak Hamka .. Biar Berkecamuk di Jiwa  
Di Wajah Jangan Kelihatan .. melekat di sukma  
Kata sakti itu pedoman Dato' Wahab berseri mukanya  
Tampak ceria walaupun setiap kerja ada pancaroba

Sepanjang berkhidmat banyak ilmu sudah dipelajari  
*Time management* YAB Dato' Seri TPM paling saya segani  
Alhamdulillah pangkat JUSA A sokongan YAB Dato' Seri  
Pendirian tegas KSU YBhg. Dato' Sri Alwi menjadi inspirasi  
Insan berdedikasi dihormati juga ketua saya dua kali  
36 tahun saya berkhidmat kini tiba masa berundur pergi



Tahun 1979 perkhidmatan awam Wahab Yasin bermula  
Pegawai Tadbir Diplomatik di MOF penempatan pertama  
Di Bahagian Kabinet JPM, JPN dan JPA pernah bekerja  
TKSU Pengurusan kemudiannya Kawalan dan Kuatkuasa  
Tidak lupa khidmat sukarela kelab sebagai Yang Di-Pertua  
Semoga Dato' Wahab terus maju dan jaya selepas bersara





DR.4.11.2015

80

Dato' Haji Mahfuz bin Haji Omar [Pokok Sena]: Ya, ya. Minta maaf Tuan Yang di-Pertua. Ada salinan surat pada saya ini. Saya mempunyai surat daripada Kementerian Sumber Manusia, surat yang ditandatangani oleh Dato' Wahab Yasin, Timbalan Ketua Setiausaha KDN kepada Kedutaan Indonesia pun ada. Jadi, itu yang saya confuse bagaimana keadaan ini boleh bagi. Saya tidak hendak sebutkan nama syarikat sebab ini berlaku seolah-olah berlaku peranggahan antara dua kementerian, sedangkan sepertumnya memang ia sewajarnya mengikut akta, sesuatu syarikat itu mestilah dilesenkan di bawah seksyen 7(1) Akta Agensi Pekerjaan Swasta 1981 [Akta 246] tetapi dia tidak ada.

Dato' Seri Dr. Ahmad Zahid bin Hamidi: Dengan izin ya, kalau menjadi agensi pekerja. To engage the workers to work in Malaysia. Ertinya, mereka menjadi agensi bagi pihak majikan. Apa yang dilakukan oleh KBRI, bukan melantik syarikat itu untuk rekrut pekerja. Ini satu perkara yang berbeza. Cuba baca elok-elok surat itu daripada TKSU saya supaya tidak timbul salah faham. Saya amat masak dalam hal ini, bukan mahu risik atau takbur tetapi saya tahu tentang apa yang baik atau apa yang tidak baik kerana kita mahu membantu KBRI dan beberapa kedutaan yang lain.



# INOVASI PENERAJU TRANSFORMASI



**PUTRAJAYA**, 17 Nov 2015: Bersempena dengan sambutan Hari Inovasi KDN 2015, YAB Timbalan Perdana Menteri merangkap Menteri Dalam Negeri Dato' Seri Dr Ahmad Zahid Bin Hamidi menyeru seluruh wargakerja KDN from top to bottom pyramid agar membuat anjakan pada paradigma pemikiran iaitu dari berfikir di luar kotak kepada berfikir tanpa kotak ke arah melahirkan inovasi atau kreativiti bertaraf tinggi dan tertinggi. Selain itu wargakerja KDN disaran supaya membudayakan sifat keterbukaan dengan menerima ide baru dan mengambil inisiatif melaksanakan ide tersebut sebaik mungkin supaya organisasi KDN sentiasa berada di garisan hadapan daripada Kementerian-kementerian lain:

*'... sekiranya mahu minda inovasi dan kreativiti ini dilahirkan saya berharap inovasi dan kreativiti akan sentiasa menjadi asas wargakerja KDN dalam mempertingkatkan lagi prestasi kerja, kualiti dan produktiviti serta dalam penyampaian perkhidmatan kepada rakyat ... kunci kepada keberhasilan inovasi tertinggi atau kreativiti bertaraf tinggi amat bergantung kepada cara kita semua memandang rakyat dan pelanggan secara lebih luas yakni dengan bergerak dari thinking outside the box kepada thinking without the box ... antaranya dengan menjadikan strategi baru seperti amalan NBOS sebagai satu keperluan dalam melaksanakan kerja-kerja harian ...'*

YAB Dato' Seri Dr Ahmad Zahid Bin Hamidi  
Timbalan Perdana Menteri  
merangkap Menteri Dalam Negeri  
17 Nov 2015

YAB TPM secara kreatif merangsang minda hadirin melalui penyampaian isi ucapan yang bertransformasi iaitu dengan memberi penghargaan kepada seorang tuan punya supermarket bernama Sylvan Goldman (1949 – 1984) di atas kegigihan melaksanakan ilhamnya untuk mencipta troli. Hasil pengamatan Goldman terhadap keperluan dan kesukaran para pelanggan terutama di kalangan wanita dan yang tua telah melorongkannya ilham untuk mencipta dan menyediakan troli bagi kegunaan

semasa mereka membeli belah. Ternyata penciptaan/penyediaan troli memudahkan para pelanggannya di samping membolehkan mereka membuat pembelian yang banyak; sekaligus melorongkan beliau meraih keuntungan berlipatganda.

Selari dengan tema sambutan ‘Inovasi Peneraju Transformasi’ YAB TPM menggesa semua peringkat wargakerja agar tidak sekadar menjadi pemerhati tetapi bertindak dengan lebih berani. Antaranya dengan bertanya agar inovasi yang terilham tidak terhalang atau pun membuat ubahsuaian agar inovasi yang telah tercipta kekal relevan dengan keperluan dan persekitaran semasa. Demi pengilhaman ide dan strategi baru KDN/Jabatan/Agensi dalam menyampaikan perkhidmatan kepada masyarakat, hadirin dide dahkan dengan kreativiti pihak pengurusan Mc Donald yang membuat adaptasi ide inovasi *drive thru* perkhidmatan perbankan yang dimulakan oleh Grand National Bank of St. Louis, Missouri pada tahun 1930. Seperti mana troli, konsep *drive thru* sehingga kini terus digunakan dengan pelbagai unsur pengubahsuaian mengikut keperluan sesuatu perkhidmatan atau pun organisasi.

Kesimpulannya, mesaj YAB TPM kepada wargakerja adalah supaya tidak mudah berpuashati dan leka dengan kejayaan lampau serta tidak terperangkap dalam zon atau sindrom keselesaan. Wargakerja juga diseru supaya mengarahkan diri dan minda kepada usaha positif seperti membuat pengamatan kepada keperluan masyarakat dan kumpulan sasar di samping berusaha menambah ilmu dan kemahiran. Antaranya dengan membaca dan membuat rujukan agar inovasi baru dapat dilahirkan atau pun yang sedia ada dibuat adaptasi atau ubahsuaian dengan lebih kreatif. Justeru KDN bakal terus kekal di barisan hadapan dan pada masa yang sama memenuhi harapan rakyat dalam pemeliharaan keselamatan dan ketenteraman awam.

Majlis sambutan Hari Inovasi 2015 yang berlangsung di Dewan Auditorium Blok D8 Kompleks D Putrajaya dihadiri bersama oleh TMDN I YB Datuk Nur Jazlan bin Tan Sri Mohamed, TMDN II YB Tuan Masir Kujat, KSU Kementerian YBhg. Dato Sri Alwi bin Hj. Ibrahim, Pegawai-pegawai Kanan dan Ketua-Ketua Jabatan/Agensi serta hampir seluruh warga kerja KDN. Kemuncak sambutan ialah pengumuman dan penyampaian hadiah kepada pemenang pelbagai acara inovasi dan kreativiti di mana Jabatan Pendaftaran Negara telah diisytiharkan sebagai johan keseluruhan sekaligus merangkul Piala Menteri Dalam Negeri.



# KONVENTSYEN KUMPULAN INOVATIF DAN KREATIF



**PUTRAJAYA**, 1 September 2015: Konvensyen Kumpulan Inovatif dan Kreatif (KIK) peringkat Kementerian Dalam Negeri (KDN) pada tahun 2015 telah berlangsung selama 5 hari bermula 1 sehingga 5 September 2015 di Dewan D5, Kompleks D. Konvensyen KIK merupakan satu majlis penghargaan dan pengiktirafan kepada Jabatan, Agensi dan Bahagian di bawah Kementerian yang telah bertungkus lumus memikirkan idea-idea baru bagi menyelesaikan masalah serta membuat penambahbaikan agar selari dengan transformasi yang ingin dicapai kerajaan.

Konvensyen pada tahun ini disertai oleh 37 kumpulan melibatkan 15 penyertaan bagi Kategori Teknikal dan baki 22 penyertaan lagi bagi Kategori Pengurusan.

Majlis Perasmian Pembukaan telah disempurnakan oleh YBhg. Dato' Sri Adenan bin Ab Rahman, Timbalan Ketua Setiausaha (Dasar dan Keselamatan) pada 2 September 2015 manakala Majlis Perasmian Penutup telah disempurnakan oleh YBhg. Dato' Hj Wan Ali bin Besar, Timbalan Ketua Setiausaha (Pengurusan) pada 5 September 2015.

Bil	Jabatan/Agensi / Bahagian	Penyertaan
1	Kementerian Dalam Negeri (KDN)	7
2	Polis DiRaja Malaysia (PDRM)	6
3	Jabatan Penjara Malaysia	6
4	Agensi Anti Dadah Kebangsaan (AADK)	3
5	Jabatan Imigresen Malaysia (JIM)	6
6	Jabatan Pendaftaran Negara (JPN)	6
7	Jabatan Pendaftaran Pertubuhan Malaysia (JPPM)	3
Jumlah		37

Seramai 700 orang yang terlibat sepanjang berlangsungnya Konvensyen KIK pada tahun ini yang terdiri daripada 400 peserta, 100 orang pemerhati yang terdiri daripada setiap Jabatan, Agensi dan Bahagian dan selebihnya merupakan agensi luar seperti Universiti Kuala Lumpur, Yayasan Inovasi, dan urusetia yang terlibat secara langsung dan tidak langsung sepanjang konvensyen ini berlangsung.

Hasil ciptaan kumpulan dinilai oleh panel juri seramai 3 orang iaitu Dato' Zakaria bin Ahmad dari Quality Management Consultant selaku Ketua Juri, Tuan Hj Hamdi bin Othman dari P&R Consultant, dan Tuan Hj Tahir bin Kapi pesara INTAN.



### PEMENANG KONVENTSYEN KIK KDN 2015

Bil	Nama Kumpulan	Agensi/Jabatan	Tajuk Projek
KATEGORI PENGURUSAN			
1	C2-10	JIM Negeri Selangor	Kelewatan Hebahan Data Subjek Yang Dikehendaki Ke Kaunter Imigresen
2	Karisma	Penjara Wanita Kota Kinabalu	Kaedah Pembuangan Sisa Catuan Kurang Praktikal
3	Kijang	JPPM Negeri Kelantan	Kelewatan Mengeluarkan Notis Kepada Pertubuhan Yang Berdaftar
KATEGORI TEKNIKAL			
1	T-Smart	JPN Negeri Terengganu	Perkhidmatan Aktiviti Mobile dan Outreach Kurang Berkesan
2	Walid	Penjara Dusun Dato' Murad	Kadar Penetasan Telur Ayam Juara Kampung Kurang Efisien
3	Cenderawasih	AADK Negeri Sembilan	Tiada Bekas Khusus Untuk Membawa Peralatan Urin



Keseluruhan acara tahunan ini telah menyumbang kepada penambahbaikan kualiti penyampaian perkhidmatan dan kepuasan pelanggan. Pelbagai permasalahan dan kekangan telah berjaya diatasi di samping pengilhaman kepada pelbagai inisiatif baru. Sebagai renungan, seseorang yang ingin menjadi kreatif tidak perlu memiliki IQ atau kecerdasan yang tinggi kerana kebanyakan orang yang memiliki IQ tinggi juga tidak semestinya dapat melakukan segalanya untuk perubahan gaya hidup dalam pekerjaan sebaliknya sikap bertindak dan bergerak mempengaruhi daya kreativiti seorang.

Pengumuman keputusan dan penyampaian hadiah kepada kumpulan yang menang telah disempurnakan oleh Timbalan Perdana Menteri merangkap Menteri Dalam Negeri, YAB Dato' Seri Dr. Ahmad Zahid Hamidi di majlis sambutan Hari Inovasi KDN 2015 pada 17 November 2015.

# HARI INOVASI JPN 2015

Bersempena dengan sambutan hari inovasi, pengisian ceramah inovasi bertajuk Memupuk Budaya Kreatif dan Inovasi Sosial di Sektor Awam telah diadakan pada 30 September 2015, bertempat di Dewan Serbaguna, Menara Usahawan, Presint 2 Putrajaya. Ceramah telah disampaikan oleh wakil dari Malaysian Association of Creativity & Innovation dan disertai seramai 181 peserta.

Tema Hari Inovasi pada tahun ini ialah INOVASI MEMACU TRANSFORMASI melibatkan sebanyak 124 penyertaan dari Ibu Pejabat JPN Putrajaya, JPN Negeri dan Cawangan. Kemuncak Sambutan Hari Inovasi pada 1 Oktober 2015 ialah pemenang Konvensyen KIK dan Pemenang Keseluruhan.

Acara penyampaian hadiah disempurnakan oleh YBhg. Dato' Sulaiman bin Haji Keling bersama-sama dengan lawatan beliau ke tapak pameran KIK bertempat di Ruang Legar Aras G, Ibu Pejabat JPN Putrajaya.



## Pemenang Keseluruhan Hari Inovasi JPN Tahun 2015:

TEMPAT	PEJABAT
<b>ANUGERAH MENTERI DALAM NEGERI (JOHAN KESELURUHAN)</b>	JPN TERENGGANU
<b>ANUGERAH KETUA SETIAUSAHA KEMENTERIAN DALAM NEGERI (NAIB JOHAN KESELURUHAN)</b>	JPN PERAK
<b>ANUGERAH KETUA PENGARAH PENDAFTARAN NEGARA (KETIGA KESELURUHAN)</b>	JPN PAHANG

## Pemenang Kumpulan KIK Tahun 2015

TEMPAT	KUMPULAN
<b>JOHAN</b>	TSMART - JPN TERENGGANU
<b>NAIB JOHAN</b>	CROCKER - JPN SABAH
<b>KETIGA</b>	DUTA- JPN WP KUALA LUMPUR

## Anugerah Inovasi Pengurusan Kewangan Tahun 2015

TEMPAT	KUMPULAN
<b>JOHAN</b>	JPN NEGERI TERENGGANU
<b>NAIB JOHAN</b>	JPN NEGERI PULAU PINANG
<b>KETIGA</b>	JPN NEGERI PAHANG

## Anugerah Inovasi Tahun 2015

TEMPAT	KUMPULAN
<b>JOHAN</b>	JPN CAWANGAN UTC JOHOR
<b>NAIB JOHAN</b>	BAHAGIAN PENGURUSAN TEKNOLOGI MAKLUMAT & KOMUNIKASI, JPN PUTRAJAYA
<b>KETIGA</b>	BAHAGIAN PERKAHWINAN DAN PERCERAIAN JPN PERAK

21 Oktober 2015

# KUNJUNGAN HORMAT MR AMRIN AMIN

SETIAUSAHA PARLIMEN  
KEMENTERIAN HAL EHWAH DALAM NEGERI SINGAPURA

BERSAMA YB DATO' SERI DR. AHMAD ZAHID HAMIDI DI PEJABAT MENTERI DALAM NEGERI



22 Oktober 2015

# KUNJUNGAN HORMAT T.Y.T PETER DUTTON

MENTERI IMIGRESEN DAN  
KAWALAN SEMPADAN AUSTRALIA

BERSAMA YB DATO' SERI DR. AHMAD ZAHID HAMIDI DI PEJABAT MENTERI DALAM NEGERI



# MAJLIS RUMAH TERBUKA AIDILFITRI KDN 2015

PWTC KUALA LUMPUR  
4 OGOS 2015





7 Julai 2015

# KUNJUNGAN HORMAT T.Y.T JOHN SUBRITZKY PESURUHJAYA TINGGI NEW ZEALAND

BERSAMA YBHG. DATO' SRI ALWI BIN HJ. IBRAHIM DI PEJABAT KETUA SETIAUSAHA KDN



# BENGKEL PENGURUSAN MEDIA DAN KOMUNIKASI KEMENTERIAN DALAM NEGERI

**C**AMERON HIGHLANDS, 18 September 2015: Kementerian Dalam Negeri (KDN) telah mengadakan Bengkel Pengurusan Media dan Komunikasi 2015 yang disertai seramai 30 orang ahli Comms Team mewakili Bahagian/Jabatan/Agensi selama tiga hari bermula pada 18 hingga 20 September 2015 di Cameron Highlands, Pahang.

Tujuan bengkel ini diadakan adalah untuk:

- berkongsi pengalaman cara pengurusan media dan komunikasi amalan sektor swasta; dan
- membincangkan gerak kerja pengurusan yang berkaitan dengan kentetapan awam dan keselamatan negara bagi membuat penambahbaikan pada Manual Strategic Standard bagi Komunikasi Krisis KDN.

Sesi dimulakan dengan YBhg Datin Hasnah Abd Rahman, Ketua Komunikasi Strategik KIDEX Sdn Bhd. Beliau berkongsi pengalaman dalam pengurusan dan penggunaan *media tools* ketika menghadapi tantangan awam serta bagi menyelesaikan krisis komunikasi yang berkaitan dengan cadangan pembinaan Lebuhraya Kinrara-Damansara.

Selain penyiaran/rencana khas, Bahagian Komunikasi Korporat KIDEX turut mengadakan iklan menerusi media massa dan sesi *engagement* dengan pelbagai kumpulan sasar seperti Ahli Rukun Tetangga dan juga syarikat

konsesi untuk memberi penjelasan akan cadangan pengurusan projek Lebuhraya Damansara-Kinrara. Kos keseluruhan untuk program komunikasi KIDEX adalah sebanyak setengah juta ringgit.

Selain itu, bengkel turut serta membincangkan topik '*facing the media, make it or break it*' daripada Puan Anne Edwards, Pi PR Consultancy. Beliau berkongsi pengalaman tentang hal-hal yang berkaitan kemahiran yang diperlukan dalam menangani pihak/wakil dari agensi media massa semasa dan selepas sesuatu krisis bersama para pengamal Perhubungan Awam.

Penceramah ketiga, YBhg Datuk Ibrahim Yahaya Setiausaha Akhbar Timbalan Perdana Menteri membincangkan perihal media dan kerajaan dan media dalam kerajaan. Fokus ceramah ialah tendensi insiden ketidaksediaan Jabatan/Agensi dalam menangani krisis komunikasi dan sebagaimana kaedah terbaik untuk merangsang pembentukkan persepsi positif orang ramai terhadap mesej komunikasi melalui media massa.

Kesimpulannya, bengkel ini diadakan bertujuan untuk meningkatkan tahap kemahiran ahli Comms Team KDN serta tahap berkesan Jabatan/Agensi KDN dalam usaha menangani isu supaya tidak menjadi krisis. Bengkel turut mendapat maklum balas berhubung kesesuaian *Standard Operating Procedure (SOP)* KDN dalam menangani isu yang boleh mengugat kentetapan awam serta menimbulkan kebimbangan rakyat dengan lebih cepat dan berkesan.



# SAMBUTAN HARI KEBANGSAAN 2015

**KUALA LUMPUR**, 31 Ogos 2015: Acara Perbarisan Dan Perarakan Hari kebangsaan 2015 telahpun melabuhkan tirainya dengan menyaksikan sambutan yang amat menggalakkan daripada segenap masyarakat di Malaysia. Keseluruhannya PDRM berperanan penting dalam menjayakan acara sambutan di Dataran Merdeka baik menerusi penglibatan dalam acara perarakan dan perbarisan mahupun dalam melaksanakan rutin harian memastikan ketenteraman awam.

Bermula seawal pukul tujuh pagi, sekitar Dataran Merdeka telahpun dipenuhi oleh orang ramai yang mahu mengaspirasikan hari penting dalam kalendar negara ini bersama keluarga masing-masing.

Apa yang lebih manis, Seri Paduka Baginda Yang Di-Pertuan Agong, Tuanku Abdul Halim Mu'adzam Shah Ibni Almarhum Sultan Badlishah bersama Seri Paduka Baginda Raja Permaisuri Agong, turut berkenan mencemar duli menyambut Hari Kemerdekaan bersama masyarakat Malaysia.

Sebanyak 12 kontinjen telah mengambil bahagian dalam acara perbarisan dan perarakan pada tahun ini dengan tema serta mesej patriotik yang unik.

Pada permulaan acara, hadirin telah dibawa mengikuti segmen Bacaan Ikrar Rukun Negara dan laungan merdeka yang dikendalikan oleh Jabatan Kesenian dan Kebudayaan Negara (JKKN).

Perjalanan acara juga diserikan dengan persembahan Simfoni Variasi Kreatif Kemerdekaan yang dikendalikan oleh Kementerian Pendidikan Malaysia dan Angkatan Tentera Malaysia (ATM) di mana ianya telah disertai oleh pelajar-pelajar sekolah di bawah seliaan Jabatan Pendidikan Negeri Wilayah Persekutuan Kuala Lumpur, Jabatan Pendidikan Negeri Selangor dan ATM.

Para penonton juga turut disajikan dengan Demonstrasi Anti Pengganas yang dipersembahkan oleh 11 Rejimen Gerak Khas (RGK) serta lain-lain persembahan daripada kontinjen-kontinjen yang terlibat.

Kemuncak acara perarakan dan perbarisan ialah perarakan masuk Perbarisan kontinjen Polis Diraja Malaysia (PDRM) yang mempamerkan aset-aset semasa yang digunakan oleh setiap Jabatan-jabatan dalam PDRM dalam memelihara undang-undang dan memelihara keselamatan dalam negeri.

Sambutan Hari Kemerdekaan telah diakhiri dengan petunjuk udara oleh PDRM, ATM dan Jabatan Bomba dan Penyelamat serta pertunjukkan Rakyat Bersepadu kendalian JKNN berupa persembahan kebudayaan pelbagai kaum di Malaysia.





## LAWATAN TIMBALAN MENTERI DALAM NEGERI KE JPN



**YB** Datuk Nur Jazlan Mohamed serta YB Tuan Masir Kujat, Timbalan Menteri Dalam Negeri telah mengadakan lawatan kerja ke Ibu Pejabat Jabatan Pendaftaran Negara (JPN) pada 13 Ogos 2015. Lawatan kerja ke JPN bertujuan untuk mengetahui lebih lanjut pengurusan dan pentadbiran Jabatan selepas dilantik sebagai Timbalan Menteri Dalam Negeri pada 28 Julai 2015.

Ketibaan kedua-dua YB Timbalan Menteri Dalam Negeri telah disambut oleh YBhg. Dato' Sulaiman bin Haji Keling, Ketua Pengarah Pendaftaran Negara dan pengurusan kanan Jabatan sebelum dibawa melawat ke Bahagian Perkahwinan dan Perceraian dan Bahagian Kad Pengenalan.

Taklimat mengenai pengurusan dan pentadbiran Jabatan telah disampaikan oleh YBhg. Datin Seri Elena Chiang Abdullah, Timbalan Ketua Pengarah (Pengurusan).

# SIRI JELAJAH TAKLIMAT PENGENALAN I-KAD PELAJAR ANTARABANGSA...PDRM

**KUALA LUMPUR**, 20 Ogos 2015: Siri jelajah taklimat pengenalan I-Kad pelajar antarabangsa kepada pihak Polis Diraja Malaysia (PDRM) kali yang pertama telah diadakan di Hotel Intercontinental Kuala Lumpur yang telah dianjurkan bersama Education Malaysia Global Services (EMGS).

Taklimat ini telah dihadiri seramai 55 pegawai-pegawai PDRM dari IPK dan IPD Kuala Lumpur, Selangor dan Negeri Sembilan. Turut bersama taklimat ini adalah pegawai-pegawai dari Kementerian Pendidikan Tinggi.

Objektif siri jelajah ini adalah bagi menerangkan lebih lanjut pelaksanaan I-Kad pelajar antarabangsa dan juga bertukar-tukar fikiran mengenai operasi penguatkuasaan bagi I-Kad ini.

Percetakan Nasional Malaysia Berhad (PNMB) telah memberi penerangan mengenai I-Kad pelajar antarabangsa, ciri-ciri keselamatan dan kemudahan yang terdapat pada I-Kad pelajar dan juga penerangan berkenaan penggunaan aplikasi penggunaan melalui telefon pintar bagi kegunaan pegawai PDRM semasa operasi penguatkuasaan.

Selain itu sistem yang dikenali sebagai stars track juga telah diperkenalkan oleh EMGS yang mana sistem ini merupakan pelengkap kepada penggunaan aplikasi penguatkuasaan I-Kad pelajar antarabangsa di lapangan sekiranya pemeriksaan lanjut diperlukan bagi mendapatkan maklumat yang lebih terperinci mengenai pelajar antarabangsa tersebut.



# SIRI JELAJAH TAKLIMAT PENGENALAN I-KAD PELAJAR ANTARABANGSA...JIM

**PUTRAJAYA**, 17-19 Ogos 2015: Bengkel Penyelarasan Pelaksanaan I-Kad anjuran PNMB bersama Jabatan Imigresen Malaysia (JIM) telah diadakan di Shangrila Hotel, Putrajaya.

Bengkel ini telah dihadiri oleh Pn. Farah Adura Hamidi, Pengarah Bahagian Pekerja Asing, JIM dan juga Pengarah Urusan PNMB, En. Maamor Che Alias. Seramai lebih 50 orang pegawai-pegawai JIM dari seluruh negara menghadiri bengkel tersebut.

Bengkel ini diadakan bertujuan untuk menyelaraskan pelaksanaan penguatkuasaan I-Kad kepada pihak JIM dan juga menambahbaikkan dari kedua-dua belah dari segi pelaksanaan dan operasi.

Di dalam ucapan pembukaan semasa bengkel, En. Maamor berkata, sehingga kini sebanyak 2.5 juta kad telah dicetak dan kaunter serahan bagi setiap negeri juga telah diwujudkan oleh PNMB untuk memastikan serahan I-Kad kepada majikan dapat dibuat dengan lebih berkesan. Bagi memastikan produk yang bermutu tinggi, PNMB sentiasa meningkatkan ciri-ciri keselamatan dan aplikasi program I-Kad.

"Kami juga dalam proses pembukaan (sehingga Oktober 2015) pusat operasi cetakan dan penghantaran I-Kad di negeri Sarawak dan Sabah.

Hubungan kerjasama yang erat di antara PNMB dan JIM telah bermula sejak tahun 2011 di mana PNMB telah dianugerahkan kontrak I-Pass bagi mencetak kad pegawai dagang dan G2G Bangladesh bersama pihak JIM. PNMB telah diberi mandat bagi pengeluaran dan pengedaran kad pekerja asing atau I-Kad.



# PROGRAM OUTREACH JPN



Jabatan Pendaftaran Negara (JPN) merealisasikan saranan Kerajaan untuk Merakyatkan Perkhidmatan Awam dengan melaksanakan program turun padang bagi memberikan perkhidmatan ‘to the doorstep’ kepada pelanggan yang memerlukan seperti masyarakat di kawasan pedalaman, Orang Kelainan Upaya, penghuni pusat latihan, rumah anak yatim, rumah jagaan warga tua, pusat latihan, pusat tahanan, rumah individu dan sebagainya. Program yang dilaksanakan ini juga adalah selaras dengan slogan JPN iaitu Rakyat Di Hati JPN.

Selain itu, program turun padang JPN turut dilaksanakan di bawah bumbung inisiatif Strategi Lautan Biru Kebangsaan iaitu Mobike CTC bersama pelbagai agensi Kerajaan lain.

Program turun padang JPN ini telah banyak membantu individu yang memerlukan memiliki dokumen pengenalan diri selain menjalankan fungsi Jabatan iaitu ‘mendaftar’ untuk memastikan data kependudukan negara lebih tepat dan terkemaskini.



# PERTEMUAN PENGARAH URUSAN PNMB BERSAMA MENTERI BESAR TERENGGANU

Satu pertemuan antara Pengarah Urusan PNMB Siaitu Encik Maamor Che Alias bersama Menteri Besar Terengganu YAB Dato' Seri Ahmad Razif bin Abd Rahman telah diadakan pada 23 Februari 2015 bertempat di Pejabat Menteri Besar Wisma Darul Iman, Kuala Terengganu.

Antara agenda pertemuan adalah perbincangan mengenai hala tuju percetakan di negeri Terengganu melibatkan organisasi kerajaan Negeri dan Persekutuan yang sentiasa menggunakan bahan bercetak rasmi dalam urusan seharian. YAB MB turut di beri penerangan mengenai organisasi PNMB serta perkhidmatan yang ditawarkan kepada para pelanggan.



Sehubungan itu pihak kerajaan Negeri Terengganu ditawarkan untuk menggunakan kepakaran dan perkhidmatan pecetakan PNMB untuk dokumen rasmi dan penting seperti geran tanah negeri Terengganu.

## PNMB SERTAI NTC

PNMB pada 25-26 Ogos 2015 menyertai National Tax Conference (NTC) 2015 yang berlangsung di KLCC, Kuala Lumpur. Penyertaan adalah bagi tujuan memperkenalkan produk-produk yang berinovasi digital yang mencapai profil yang tinggi di kalangan peserta-peserta persidangan. Ia juga adalah untuk memupuk hubungan perniagaan yang utuh diantara pelanggan-pelanggan PNMB.

NTC adalah satu acara tahunan yang dianjurkan oleh Lembaga Hasil Dalam Negeri Malaysia dan Chartered Institute cukai Malaysia (CTIM) dan persidangan kali ini adalah bertemakan "Partnering Stakeholder in Challenging Environment".



# PROGRAM LATIHAN MENEMBAK

Latihan menembak merupakan program latihan tahunan bertujuan untuk meningkat keupayaan penggunaan dan pengendalian senjata api kepada pegawai-pegawai penguatkuasaan dalam menjalankan operasi. Program kali ini turut dihadiri oleh Y.Bhg. Dato' Sri Adenan bin Ab.Rahman TKSU (Dasar Keselamatan), Y.Bhg. Dato' Wahab bin Mohd Yasin, TKSU (K&P) bersama SUB Bahagian Kawalan Filem dan Penguatkuasaan dan pegawai-pegawai penguatkuasa dari negeri-negeri seluruh Malaysia. Program sehari ini berlangsung pada 22 Ogos 2015 di Lapang Sasar PGA Cheras, Kuala Lumpur.



# TAKLIMAT PANDUAN PENAPISAN FILEM STESEN TV

Panduan Penapisan Filem Stesen TV ini digubal untuk kegunaan semua saluran linear stesen TV samada bagi stesen TV free to air atau TV berbayar. Panduan ini dirangka KDN dengan mengambil kira faktor kepelbagaiannya penonton TV dari segi umur, agama dan kaum. Garis panduan ini juga digunakan bagi menentukan keseragaman, penilaian di dalam dan di antara stesen TV selain memudahkan lagi proses membuat keputusan dan klasifikasi filem yang akan ditayangkan di stesen TV. Sesi taklimat yang diadakan pada 15 September 2015 di KDN turut dihadiri oleh penggiat seni industri filem tanah air, dan antaranya ialah YBhg. Datuk Yusof Haslam mewakili Skop Production.



# KURSUS ASAS PENGUATKUASA

Kursus ini telah diadakan pada 25 Ogos hingga 27 Ogos 2015 bertempat di Agrotek Garden Resort, Hulu Langat Selangor. Seramai 70 orang peserta yang terdiri daripada Pegawai Kanan Berkuasa Gred 27 hingga 48 dan Pegawai Berkuasa Gred 22 hingga 17 telah menghadiri kursus BIL 1/2015 ini.

Kursus ini telah berjaya memberi pendedahan kepada semua anggota penguatkuasa dalam menjalankan penguatkuasaan yang lebih sistematik mengikut prosedur dan garis panduan dan peruntukan undang-undang yang telah ditetapkan, memupuk dan memperkenalkan sikap dan nilai-nilai yang positif ke arah penguatkuasaan yang lebih berkesan dan berintegriti dan memberikan kefahaman mengenai pelaksanaan penguatkuasaan ke arah memenuhi Objektif Kualiti Bahagian.



Sesi Simulasi Penguatkuasaan di Lapangan



Aktiviti Senaman Pagi



Sesi Persembahan Kumpulan

# KURSUS ASAS PENGUATKUASA 2015

Kursus ini bertujuan untuk melengkapi pegawai penguatkuasa dengan ilmu pengetahuan dan kemahiran sebagai pegawai penguatkuasaan, kursus ini telah dihadiri oleh pegawai penguatkuasa lantikan baru dan berlangsung pada 6 Ogos 2015 bertempat di Shah Alam, Selangor.



# AUDIT EKSA



Pengauditan EKSA telah dijalankan oleh Kumpulan Audit Dalaman Peringkat KDN pada 8 Julai 2015. Audit ini dilakukan bagi memastikan pematuhan EKSA diamalkan oleh semua bahagian di Kementerian selain mengesyorkan cadangan penambahbaikan. Audit dalaman ini juga sebagai persediaan bahagian-bahagian untuk diaudit oleh pihak MAMPU atau Audit bertaualih oleh agensi berkaitan. Pengauditan ini dijadualkan untuk diadakan dengan kekerapan setiap suku tahun.



## KURSUS PEMANTAPAN AKTA PERCETAKAN TEKS AL-QURAN BIL 2/2015

Kursus Pemantapan Akta Pencetakan Tekst Al-Quran (APTQ), 1986, Siri 2/2015 telah diadakan pada 30 hingga 2 Oktober 2015 bertempat di Glory Beach Resort, Port Dickson, Negeri Sembilan dan dihadiri oleh seramai 78 orang pegawai dan kakitangan.

Objektif kursus ini adalah untuk memberi kefahaman berkenaan Akta Pencetakan Tekst Al-Quran (APTQ) 1986 dan kaedah penyemakan Al-Quran yang digunakan oleh Ahli Lajnah Tasleh Al-Quran, Kementerian Dalam Negeri, meningkatkan ilmu pengetahuan mengenai kaedah Rasm Uthmani dalam penulisan teks Al-Quran dan yang berkaitan dengannya dan membentuk jati diri pegawai yang berintegriti dalam melaksanakan tugas.



# LATIHAN DDMS

Digital Document Management System (DDMS) telah dilaksanakan sepenuhnya di KDN pada 29 Jun 2015. Menerusi sistem ini, KDN mula mendokumentasikan semua surat menyurat dan dokumen rasmi kerajaan secara elektronik. Ia sebagai langkah awal menterjemahkan konsep Sistem Pengurusan Rekod Elektronik Seramai 892 orang Pengguna (End User) telah didaftarkan bagi meralisasikan matlamat tersebut dan bagi maksud persediaan latihan pelaksanaan DDMS diadakan di Dewan Gemilang pada 22 - 29 Mei 2015.

Selain latihan secara berkelompok, latihan one-to-one turut diadakan kepada pihak pengurusan melibatkan TKSU (P) YBhg. Dato' Wan Ali Besar dan SUBK (P), Tn. Hj. Zainal Abidin Hassan.



# KURSUS PENINGKATAN KEMAHIRAN ICT

Kursus-kursus ICT dirancang untuk diadakan dengan tujuan meningkatkan kemahiran ICT di kalangan warga KDN. Sehingga akhir Oktober 2015, antara yang telah diadakan melibatkan warga kerja Ibu Pejabat, cawangan di seluruh negeri (mengikut zon) serta kursus yang spesifik kepada personel ICT:



TAJUK KURSUS	TARIKH	TEMPAT/NEGERI
Kursus Penyediaan Montaj Siri 3	23 - 25 Ogos	Terengganu
<i>Statistical Package for the Social Sciences</i>	7 - 10 September	Bilik Latihan ICT KDN
Kursus Fotografi	14 - 15 September	Presint 8, Putrajaya
Comptia A+ (Computer Technician) yang	7 - 9 September	Shah Alam

# SISTEM eSIMS

Bengkel Pelaksanaan Sistem eSIMS KDN diadakan pada 3 dan 4 September 2015 bertempat di Port Dickson, Negeri Sembilan. Pembangunan semula sistem eSIMS ini bertujuan untuk menggantikan sistem sedia ada iaitu Sistem ePASG yang telah dibangunkan pada 2001. Penggantian juga adalah bagi memenuhi keperluan semasa pengguna di samping meningkatkan keupayaan sistem selari dengan teknologi terkini.

Menerusi bengkel ini, keseluruhan Sistem eSIMS yang telah dibangunkan dibentangkan kepada pengguna bagi mendapatkan pengesahan sebelum pelaksanaan bermula. Peserta bengkel adalah melibatkan pegawai dari Unit Agensi Bahagian KK, Jabatan Siasatan Jenayah PDRM, Cawangan Khas PDRM dan Unit Pembangunan Aplikasi dari Bahagian IT.



# MAJLIS KHAMAT AL QURAN

Majlis ini ialah program bagi mengimarahkan bulan Ramadan dan merupakan anjuran Kelab Kebajikan BKF dengan disertai oleh pegawai pegawai BKF dan Ahli Lembaga Penapisan Filem (LPF) pada 9 Julai 2015.



## MAJLIS DOA SELAMAT SEMPENA MAJLIS SAMBUTAN HARI PAHLAWAN

Laporan oleh: Kpl Aslam Syir Khan

KUALA LUMPUR, 30 Julai 2015: Satu majlis bacaan yasin, tahlil dan doa selamat bersempena dengan Majlis Sambutan Istiadat Peringatan Hari Pahlawan untuk tahun 2015 telah di adakan di Masjid Negara.

Seri Paduka Baginda Yang Di-Pertuan Agong Tuanku Abdul Halim Mu'adzam Shah Ibni Al-Marhum Sultan Badlishah dan Seri Paduka Baginda Raja Permaisuri Agong Tuanku Hajah Haminah, berkenan mencemar Duli untuk hadir ke majlis tersebut.

Di samping itu, kira-kira 2,000 orang jemaah termasuk anggota pasukan keselamatan dan masyarakat sekitar Kuala Lumpur yang diketuai oleh Imam Besar Masjid Negara membacakan tahlil bagi memperingati jasa anggota pasukan keselamatan yang telah gugur mempertahankan keamanan dan kemerdekaan negara.

Hadir sama, Timbalan Perdana Menteri merangkap Menteri Dalam Negeri, Dato' Seri Dr. Ahmad Zahid Hamidi, Menteri Pertahanan, Dato' Seri Hishammuddin Tun Hussein, Ketua Polis Negara, Tan Sri Dato' Sri Khalid Abu Bakar, dan Panglima Angkatan Tentera Malaysia, Jeneral Tan Sri Dato' Sri Zulkifeli Mohd Zin.



# PNMB MENYEMPURNAKAN TUNTUTAN RUKUN ISLAM KETIGA

Percetakan Nasional Malaysia Berhad (PNMB) pada 3 Julai 2015 baru-baru ini telah mengagihkan keuntungan perniagaan dalam bentuk zakat berjumlah RM306,983.83 yang diperoleh sepanjang tahun kewangan berakhir 2014 bagi Wilayah Persekutuan.

Pengarah Urusan PNMB Encik Maamor bin Che Alias berkata sumbangan zakat berkenaan yang diserahkan kepada Pusat Pungutan Zakat Majlis Agama Islam Wilayah Persekutuan (PPZ-MAIWP) itu sebagai satu daripada tanggungjawab sosial syarikat dalam membantu golongan kurang berkemampuan, selaras dengan tuntutan syariat Islam.

Cek pembayaran zakat perniagaan PNMB telah disampaikan oleh Pengarah Urusan kepada Tuan Haji Mohd Rais Haji Alias, Ketua Pegawai Eksekutif, PPZ Wilayah Persekutuan.

Wilayah Persekutuan merupakan negeri pertama yang menerima zakat perniagaan PNMB pada tahun ini. PNMB seperti biasa tidak pernah gagal di dalam melaksanakan satu lagi tanggungjawab dan kewajipan tahunan Syarikat iaitu pembayaran Zakat Perniagaan, dimana ianya adalah selaras dengan Takrif Zakat Perniagaan iaitu "Zakat yang dikeluarkan oleh sesuatu Perniagaan yang genap setahun operasi perniagaan dan cukup haulnya" dan berharap peruntukan itu dapat diagihkan dengan sebaiknya untuk membantu mereka yang kurang berasib baik.

Ini akan diikuti oleh negeri-negeri lain yang dibawah perniagaan PNMB, yang akan disempurnakan oleh Pengurus Cawangan disetiap negeri dengan jumlah keseluruhan cawangan sebanyak RM192,688.80 dengan jumlah keseluruhan sebanyak RM499,672.63.

## PERDANA MENTERI BERBUKA PUASA BERSAMA WARGA PDRM

Laporan oleh: Kpl Aslam Syir Khan

**KUALA LUMPUR**, 1 Julai 2015: Bagi mengimarakahkan lagi bulan Ramadhan 1436H Polis Diraja Malaysia (PDRM) dengan kerjasama Kementerian Dalam Negeri (KDN) telah mengadakan majlis Penerapan Nilai-Nilai Murni di Bulan Ramadan dan Majlis berbuka puasa bersama warga PDRM di Pusat Latihan Polis (PULAPOL).

Majlis pada kali ini diserikan lagi dengan kehadiran YAB Perdana Menteri Dato' Sri Mohd Najib Tun Abdul Razak bersama isteri Datin Seri Rosmah Mansor.

Dalam ucapannya, Perdana Menteri, Datuk Seri Najib Tun Razak telah mengumumkan peruntukan sebanyak 15,000 unit perumahan baru untuk warga PDRM serta sumbangan RM1juta untuk masjid-masjid PDRM seluruh negara.



Selepas solat maghrib berjemaah, YAB Perdana Menteri menyampaikan sumbangan duit raya dan bungkusan hari raya kepada anak-anak yatim di kalangan warga PDRM serta simbolik penyerahan kurma kepada wakil imam-imam masjid PDRM seluruh negara.

Turut hadir Menteri Dalam Negeri Dato' Seri Dr. Ahmad Zahid Hamidi, Ketua Setiausaha Kementerian Dalam Negeri, Dato' Alwi Hj Ibrahim, pucuk pimpinan PDRM, tetamu-tetamu kenamaan, warga PDRM, pesara polis dan warga KDN.

# MAJLIS PENGANUGERAHAN TOKOH WARTAWAN NEGARA

**KUALA LUMPUR** 10 September 2015: YAB Timbalan Perdana Menteri Malaysia merangkap Menteri Dalam Negeri, YAB Dato' Seri Dr. Ahmad Zahid Hamidi telah hadir ke majlis Penganugerahan Tokoh Wartawan Negara, Hadiah Kewartawanan Malaysia MPI-PETRONAS 2014 bertempat di Hotel Pullman Kuala Lumpur Bangsar.



Program anjuran kali ke-27 oleh Malaysian Press Institute dengan kerjasama PETRONAS adalah merupakan majlis penganugerahan kepada Tokoh Wartawan Negara diberikan untuk menghargai serta mengiktiraf sumbangan, peranan dan jasa besar seorang wartawan yang diakui mencapai tahap terbilang dalam kerjaya kewartawanan. Pada majlis tersebut, YBhg Datuk Ahmad Rejal Arbee telah dinobatkan sebagai Tokoh Wartawan Negara 2014 dan Allahyarham Zainon Ahmad sebagai Tokoh Wartawan Negara Posthumous.

Hadiyah disampaikan oleh tetamu kehormat dan penerima Tokoh Wartawan Negara menerima RM 30,000.00 masing-masing tajaan PETRONAS.

Penganugerahan Tokoh Wartawan Negara, Hadiah Kewartawanan Malaysia 2014 diputuskan oleh Panel Pemilih yang dipengerusikan oleh YBhg. Profesor Dato' Sri Dr. Syed Arabi Idid.



# 11 OGOS 2015

Program Kembara Mahkota Johor bersama D.Y.M.M Sultan Ibrahim Ibni Almarhum Sultan Iskandar dan Timbalan Perdana Menteri merangkap Menteri Dalam Negeri, YAB Dato' Seri Dr. Ahmad Zahid Hamidi di Muar Johor.



# 1 OGOS 2015

Majlis Solidariti Aidilfitri 2015 bersama Perdana Menteri Malaysia, YAB Dato' Sri Najib Tun Abdul Razak dan Tuan Yang Terutama Yang Dipertua Negeri Melaka, Tun Datuk Seri Mohd Khalil Yaakob di Dataran 1Malaysia Klebang, Melaka.





# ASEAN RIDES FESTIVAL 2015

**PUTRAJAYA** 11 September 2015: Timbalan Perdana Menteri merangkap Menteri Dalam Negeri, Dato' Seri Dr. Ahmad Zahid Hamidi telah hadir meraikan peserta ASEAN Rides Festival pada majlis makan malam perdana di sini.

Majlis anjuran Persatuan Superbikers Malaysia (SAM) di perkarangan Istana Kehakiman yang melibatkan 380 penunggang motosikal berkuasa tinggi dari Malaysia, Singapura, Brunei, Timor Leste dan Indonesia itu turut dihadiri Menteri Wilayah Persekutuan Datuk Seri Tengku Adnan Tengku Mansor.



Hadir sama Timbalan Menteri Dalam Negeri, Dato' Nur Jazlan Mohamed, Ketua Setiausaha Kementerian Dalam Negeri Dato' Sri Alwi Hj. Ibrahim dan Presiden Gabungan Superbike Malaysia, Dato' Abdul Halim Suleiman.

Dato' Seri Dr Ahmad Zahid yang juga Pengurus Eksekutif SAM dalam ucapannya meminta rakan penunggang motosikal ASEAN mempromosikan Malaysia sebagai destinasi pelancongan yang menarik untuk dikunjungi apabila kembali ke negara masing-masing.

Beliau berhasrat mengumpulkan lebih ramai penunggang motosikal berkuasa tinggi tahun hadapan kerana beliau yakin program permotoran mampu memupuk semangat permuafakatan sekali gus mengetepikan segala perbezaan termasuk politik.



ASEAN Rides Festival 2015 yang bermula mengikut zon di Perlis dan Johor menamatkan kembara di Putrajaya untuk acara kemuncak festival di Dataran Putrajaya dan telah menghimpunkan 10,000 peserta.

# 5 SEPT 2015

Majlis makan malam Sehati Kita Sejiwa bersama Perdana Menteri Malaysia, YAB Dato' Sri Najib Tun Abdul Razak dan Timbalan Perdana Menteri merangkap Menteri Dalam Negeri, YAB Dato' Seri Dr. Ahmad Zahid Hamidi di Ipoh, Perak.



# 18 OGOS 2015

Mesyuarat Jawatankuasa Kabinet Mengenai Pekerja Asing dan Pendatang Asing Tanpa Izin dipengerusikan oleh Timbalan Perdana Menteri merangkap Menteri Dalam Negeri, YAB Dato' Seri Dr. Ahmad Zahid Hamid di Dewan Taklimat Bangunan Perdana Putra, Putrajaya.



# 6 OGOS 2015

Lawatan Kerja Timbalan-timbalan Menteri Dalam Negeri, YB Datuk Nor Jazlan Mohamed dan YB Tuan Masir Kujat Ke Ibu Pejabat Polis Diraja Malaysia Bukit Aman, Kuala Lumpur.



# 12 OGOS 2015

Lawatan Kerja Timbalan-timbalan Menteri Dalam Negeri, YB Datuk Nor Jazlan Mohamed dan YB Tuan Masir Kujat Ke Ibu Pejabat Jabatan Pendaftaran Pertubuhan Malaysia.



## 6 OGOS 2015

Ketua Setiausaha KDN, YBhg. Dato' Sri Alwi bin Hj. Ibrahim telah menyempurnakan Majlis Penyampaian Bantuan Kemanusiaan Yemen melalui Mercy Malaysia di Kompleks D, Kementerian Dalam Negeri.



## 7 OGOS 2015

Ketua Setiausaha KDN, YBhg. Dato' Sri Alwi bin Hj. Ibrahim mempengerusikan Mesyuarat Jawatankuasa Tindakan Pembangunan BIL.7/2015 di Bilik Mesyuarat Perkasa Aras 11, Blok D1 Kementerian Dalam Negeri.



# 5 JULAI 2015

Program Penerapan Nilai-Nilai Murni Di Bulan Ramadan bersama Menteri Dalam Negeri, YAB Dato' Seri Dr. Ahmad Zahid Hamidi di Kediaman YB Menteri Dalam Negeri.



# 10 JULAI 2015

Program Penerapan Nilai-Nilai Murni Di Bulan Ramadan bersama Timbalan Menteri Dalam Negeri, YB. Dato Sri Dr. Haji Wan Junaidi Tuanku Jaafar di Kuching, Sarawak.



# 1 JULAI 2015

Program Penerapan Nilai-Nilai Murni Di Bulan Ramadan bersama Menteri Dalam Negeri,  
YB Dato' Seri Dr. Ahmad Zahid Hamidi dan Ketua Menteri Sarawak,  
YAB Tan Sri Datuk Amar Haji Adenan Bin Haji Satem di Kuching, Sarawak.



# 3 JULAI 2015

Program Penerapan Nilai-Nilai Murni Di Bulan Ramadan bersama Menteri Dalam Negeri, YAB Dato' Seri Dr. Ahmad Zahid Hamidi di Penjara Simpang Renggam, Johor.





## 9 JULAI 2015

Majlis Qaseh D'Aidilfitri bersama Ketua Setiausaha KDN, YBhg. Dato' Sri Alwi Bin Hj. Ibrahim di Dewan Gemilang, Kompleks D Kementerian Dalam Negeri.



# 10 JULAI 2015

Majlis Qaseh D'Aidilfitri bersama Timbalan Ketua Setiausaha Pengurusan, YBhg. Datuk Haji Hasim bin Haji Ismail di Kompleks D Kementerian Dalam Negeri.





## 10 JULAI 2015

Majlis Qaseh D'Aidilfitri bersama Timbalan Ketua Setiausaha Dasar Keselamatan, YBhg. Dato' Sri Adenan Ab. Rahman di Kompleks D Kementerian Dalam Negeri.





KDN SANA SINI

## 10 JULAI 2015

Majlis Qaseh D'Aidilfitri bersama Timbalan Ketua Setiausaha Kawalan dan Penguatkuasaan, YBhg. Dato' Wahab Bin Mohd Yasin di Kompleks D Kementerian Dalam Negeri.



# RUMAH TERBUKA PNMB 2015

**PUTRAJAYA**, 10 Ogos 2015: Dalam mengukuhkan semangat kesepakatan dan menyambut bulan Syawal, PNMB sekali lagi telah menganjurkan sambutan Rumah Terbuka Hari Raya 2015 bagi meraikan rakan-rakan niaga pelbagai Kementerian dan syarikat korporat di majlis yang telah berlangsung di PICC, Putrajaya.

Majlis turut dihadiri oleh YBhg. Tan Sri Dr. Zulkefli Hassan, Pengerusi PNMB, En. Maamor Che Alias, Pengarah Urusan PNMB dan barisan kepimpinan pengurusan PNMB.

Majlis diserikan dengan kehadiran tetamu kehormat antaranya YBhg Dato' Sri Alwi Hj Ibrahim, Ketua Setiausaha Kementerian Dalam Negeri (KDN), Timbalan Ketua Setiausaha (Pengurusan) KDN, YBhg. Dato' Wan Ali Besar dan beberapa pegawai tertinggi Kerajaan yang lain. Para tetamu menikmati juadah tengah hari dengan hidangan Hari Raya, sambil dihiburkan dengan persembahan kumpulan muzik The Printers serta Meet Rangers sebagai halwa telinga pada majlis tersebut.

Seramai 1,300 jemputan telah hadir bagi memeriahkan sambutan Rumah Terbuka PNMB tahun 2015 ini.



# PERTUKARAN /PENEMPATAN BARU

## PERTUKARAN KELUAR

BIL	NAMA	JAWATAN	DARI	PENEMPATAN	TARIKH KELUAR
1	WAN HASHIM BIN WAN RAHIM	PTD GRED M48	BAHAGIAN KEWANGAN	KEMENTERIAN PERTAHANAN	1 JULAI 2015
2	MARINA BINTI AZAMAN	PT (P/O) N17	BAHAGIAN PENGURUSAN SUMBER MANUSIA	KEMENTERIAN KOMUNIKASI DAN MULTIMEDIA	3 OGOS 2015
3	AHMAD SHAMSUL BAHARI BIN ISMAIL	PTD GRED M44	LEMBAGA PENCEGAHAN JENAYAH	KEMENTERIAN SUMBER ASLI DAN ALAM SEKITAR	7 SEPTEMBER 2015

## PERTUKARAN DALAMAN

4	RABIATUL HAZRIN BINTI ABDUL HAMID	SUP N17	BAHAGIAN PEMBANGUNAN	JABATAN SUKARELAWAN MALAYSIA	13 JULAI 2015
5	RABIAH BINTI YUSUF	PT (P/O) N22 KUP	BAHAGIAN KEPOLISIAN DAN KESELAMATAN SEMPADAN	JABATAN PENDAFTARAN PERTUBUHAN KELANTAN	3 OGOS 2015
6	NORAZLE BIN SULAIMAN	PTD GRED M48	BAHAGIAN KAWALAN TEKS DAN AL-QURAN	JABATAN PENDAFTARAN NEGARA	10 OGOS 2015



# PENGURUSAN KESINAMBUNGAN PERKHIDMATAN KEMENTERIAN DALAM NEGERI


**"Sila ikuti  
arahan saya apabila  
bencana melanda"**

## Keselamatan Tanggungjawab Bersama



Sila berkumpul di Dataran Kompleks D bagi bencana Kebakaran, Gempa Bumi, Tanah Runtuh, Banjir atau Limpahan Air

Talian Kecemasan  
1 800 22 2424



### Kebakaran

1. Jangan cemas dan keluar dengan segera.
2. Ikat papan tanda untuk pintu kecemasan terdekat.
3. Gunakan tangga secara teratur.
4. Jangan gunakan lif.



### Gempa Bumi / Tanah Runtuh / Bencana Infrastruktur

1. Berlindung di bawah meja.
2. Pastikan tidak berhampiran peralatan berat yang boleh menghempap anda.
3. Jika di luar, berdiri di tempat terbuka.
4. Jangan memasuki bangunan yang terjejas.



### Banjir / Limpahan Air

1. Hulurkan bantuan kepada yang memerlukan.
2. Alikan barang berbahaya ke tempat tinggi.
3. Berhati-hati akan soket atau peralatan elektrik berhampiran kebocoran.
4. Kosongkan kawasan jika ada bahaya dari punca elektrik.



### Demonstrasi / Rusuhan / Kerosakan Harta Benda / Ancaman Individu

1. Elakkan memprovokasi penunjuk perasaan.
2. Berada di kawasan selamat dan kunci pintu.
3. Jauhi pintu dan tingkap.
4. Maklumkan pihak keselamatan akan gangguan.



### Kehilangan Data

1. Laporkan kerosakan yang berlaku.
2. Pasukan IT akan menilai dan melapor situasi.
3. Kaitangan bertanggungjawab membuat "back-up" data.



### Penyakit Berjangkit / Wabak

1. Hubungi Jabatan Kesihatan dengan segera.
2. Pakai penutup mulut.
3. Tunggu arahan lanjut dari Jabatan Kesihatan.



<http://www.moha.gov.my>



03 8000 8000




[pkpkdn@moha.gov.my](mailto:pkpkdn@moha.gov.my)



PKP\_KDN



Pengurusan Kesinambungan Perkhidmatan Kementerian Dalam Negeri



**KEMENTERIAN DALAM NEGERI**  
Blok D1 & D2, Kompleks D  
Pusat Pentadbiran Kerajaan Persekutuan  
62546 Putrajaya

- 03 - 8000 8000
- 03 - 8889 1613, 03 - 8889 1610
- webmaster@moha.gov.my
- @KDNPUTRAJAYA
- Kementerian Dalam Negeri (KDN)
- <http://portal.ikdn.gov.my>



**PERCETAKAN  
NASIONAL**  
MALAYSIA BERHAD

# 4<sup>TH</sup> ASEAN MINISTERIAL MEETING ON DRUG MATTERS

28<sup>th</sup> - 29<sup>th</sup> OCTOBER 2015 - LANGKAWI, MALAYSIA

